



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 10

Kibong akümtsü mechi Japan indang
Princess Mako jenjang samatsü

TAPAK 8

Soundgarden nung kentener
Chris Cornell süogo

VOL. XIV NO. 210 (ADOK 210)

DIMAPUR

FRIDAY

MAY 19, 2017

5.00

NMVM Tiri Tuli nung railway lenmang kilometer 15 yanglusemtsü mepishi



Dimapur, May 18 (TYO): May 18, 2017 nü Narendra Modi Vichar Manch (NMVM), Nagaland Unit Tir, S. Lepzung Jamir-i Railways Union Minister, Suresh Prabhu ajurua Mokokchung district kübok Merangkong yim telungtet nung Tuli nungi Tsumok tashi 10th mile station dak alia ano railway lenmang kilometer 15 yanglusemtsü atema temepishiba ka agütsüogo.

Iba temepishiba atema tekaraba nung inyaksü ta Minister-i telangzüba agütsü.

Senden nung S. Lepzung Jamir-i Minister dang, Nagaland nung Non-District town

tulutibaji Tuli Town lir aser Mokokchung district indang shishilembaba tiyongtsü lir, anungji tang aliba railway lenmang yangluloka Passenger train agütsüra ibaji ajanga tongti district trok- Mokokchung, Longleng, Zunheboto, Tuensang, Kiphire aser Mon District tesem kar rongsenkettsüng ajungkettsüsü, ta metetdaksü.

Paisa Minister dang, Detail Project Report (DPR) renemtsü atema tekaraba nung survy team yokang ta mepishia liasü.

Ajioda minister-ia iba mapa tekaraba nung inyaksü atema nungdakba mapatem inyaksü, ta telangzüba tajung agütsüogo.

Nagaland den tesendaktep akhangshitsü nungdaker: Biren

Imphal, May 18 (Agencies): Manipur Chief Minister, N Biren Singh-i, Manipur-i Nagaland den tesendaktep akhangshitsü nungdaker, ta ashi.

Osangbener den jembidang Biren Singh-i Manipur aser Nagaland tesendaktep tajungba akümtsü atema pai mera agia inyakba indang jembia liasü.

Singh-i, "State kati danga kidanger state melentsü makok. Asenok kati ka meima akhümtsübuteptsü nungdaker. Shurhozeli (Nagaland Chief Minister)-i Manipur semdangba atema pelar. Ni-a gari lenmang ajanga par state semdangner. Künati

asentenshir inyakner," ta ashi.

Pai ashiba agi, taoba mapangtem nungbo Nagaland aser Manipur naprongla nungi lenirtem kari peipei tejangraba ataloktsü atema dang inyak, ibayongji akhidang nungi state ana tesendaktep aliba raksaogo.

Naga nungeri tanga state tem nung Naga nunger aliba tesemtem longjemtsü atema akhangba dak sendakba nung Singh-i, "Manipur nung aliba Naga nungertemji ozü adianutem lir aser onok külemi Manipur nung alitsü. Nagaland ya kidanger tajung ka lir. NPF (Naga tesemtem longjemtsü pusemba telok)-ia onok nungiter," ta ashi.

ECI-i SVEEP campaign tenzüktsü

New Delhi, May 18 (TYO): Election Commission of India (ECI)-i July 1, 2017 nungi tenzükta Julu 31 nü tashi state ajak nung vote agütsütsü temsüa alir lanurtem tenung züluktsü atema SVEEP campaign tenzüktsü.

Interactive School Engagement mezüngbuba shilem taküm January nung tenzükogo aser kümshia shilem ana lemsar January ita aser July ita nung iba mapatong inyaksü.

Mezüngbuba shilem nung National Voters' Day matongdang January ita nung college ajak dang admission forms nung Form 6 densema kaketshirtem nem agütsütsü, aser DEOs-i

college ajak den angatettepa inyaksü.

Tanabuba shilem nung Summary Revision matongdang July ita Educational Institutes (colleges & schools/vocational training institutes, training institutions aser Polytechnic Colleges) ajak nung Nagaland nung DEOs atema anogo ana lemezükja inyaksü.

District shia nung semdangba school tem indang osangji CEO office nem agütsütsü aser iba sülen ibaji ECI ket tongtsütsü. Reference aser record atema questionnaires indang databankji DEO indang website nung telangzüba dena inoktsütsü.

Regional party DPP tentetba agi NPF mekongshitsü: Kikon

Kohima, May 18 (TYO): Brihostibarnü Naga Peoples' Front (NPF) otongdar, Achumbemo Kikon-i, yashi Dimapur nung regional party tasen, Democratic Progressive Party (DPP) tentetba ajanga NPF tashi itdaksüba den tabensaba kümdaktsüogo, kechiyong iba telok tentetbaji mesükshir, ta metetdaksü.

Tanü nikongdang Hotel Japfu, Kohima nung osangbenertem den jembidang Kikon-i, NPF ya nüburtem dak amenoker tentetba party lir, anungji yimtenren party balala tentetba agi NPF mekongshir, ta ashi.

Pai ashiba agi, taoba Chief Minister, Neiphiu Rio Delhi-i aoba aser iba sülen tatalokbatem ajanga NPF telung nung mepetmesü liasü, iba sülena party telung nung nisung kari party tasen ka tentettsü atema

inyaka liasü.

Ajisüaka party tasen (DPP) tentetba ajanga sorkar tashi nung aliba party asentenshitsu, koba ajanga taruba general election atema constituency ajak nung candidate tetemsü dang shimtsü, ta paisa ashi.

Pai ashiba agi, state general election tatonger, anungji yimtenren party tasen aika tentettsü, ajisüaka tatem nungbo NPF dang alitsü aser maneni Naga yimtenren onük atema jembitsü.

Kikon-isa, election sülenbo item yimtenren party ajak samatsü, aser takok anguba candidate temia sorkar akümtsü atema NPF den dennütsü, ta ashi.

State nung tanabuba regional party tentetba ajanga parnok jenjang raksatsü amai bilemer asü? ta asüngdangba langzudang

Kikon-i, DPP tentetba ya NPF züngsemtem anisatsü atema dang lir, ta ashi.

Paisa, NPF MLA tem masetshii lir aser parnoki NPF medoktsütsü, ta shisem.

Kikon-i, DPP tentetba ya taoba Chief Minister aser Lok Sabha MP, Neiphiu Rio asalentong lir, ta ashi.

NPF-i party nungi Rio agientsü asü, kechiyong tang pa züngsem anenja lir, ta asüngdangba langzudang Kikon-i, "NPF atema, pa agienba dang nungibo anenja alibaji tajungba," ta metetdaksü.

Tang temendak MLA kar DPP nung adener, ta jembiba osang dak sendakba nung Kikon-i, NPF ya teintet yimtenren party ka lir, anungji jungjunga asadangba sülenang tapet inyaksü, ta ashi.

(Maneni tapak 11 nung...)

Japan-Asia Youth Exchange Prog. atema Naga nunger 4 shim



Secretary, Neposo Theluo, NBSE Chairman, Asano Sekhose aser kaketshir pezü den Supervisor aser tangartem külemi tangokba noksa nung angur. (Kohima, May 18, 2017).

Kohima, May 18 (TYO): May 19 nungi May 28, 2017 nü tashi Japan-Asia Youth Exchange Programme in Science (Sakura exchange programme) nung shilem agia adentsü atema Nagaland nung aliba Government Higher Secondary School balala nungi Science kaketshir pezü shimogo.

Kaketshir pezüji NBSE-i achaayanga agiba HSLC tatidang merit apir shima liasü. Kaketshir pezüji GHSS, Tuensang nungi Bemang M Chang, GHSS Tuensang nungi Monchon S Khamniungan aser Mayangnokcha GHSS, Mokokchung nungi Limainla Kichu aser Sakurepba nunger lir.

Rüzhühkrie GHSS, Kohima nungi PGT (Comp Sc), Medosalie lenisüba nung kaketshir pezü India tesem balala nungi kaketshirtem den külemi iba sentong nung shilem agitsü.

Parnok May 19 nü Dimpaur nungi Delhi-i apusoa aotsü, iba

sülen May 21 nü Ministry of Human Resource Development (MHRD) leniba nung India tesem balala nungi kaketshirtem aser ketdangsertem den külemi Japan-i apusoa aotsü aser May 28 nü Dimapur tonga arutsü.

Tanü nikongdang iba sentong dak sendakba orienttation programme ka DUDA Guest House, Kohima nung agidang tongti tesemdangner Secretary, Neposo Theluo, NCS-i kaketshirtem nem tenüngsang agütsüba den külemi alima nung science aser technology nung temaba jenjang nung aliba linük semdangtsü maongka agütsüba atema RMSA dang pelaba shisem.

Theluo-isa, kaketshir ka renloktsü atema iba ama tour ya nungdak aser tongtibang, koba ajanga scientist aser technologists akümtsü atema kaketshirtem ajungshitsu, aser ibaji ajanga tarutsü nung state ajangzüktsü, ta ashi.

Kasa sentong nung NBSE

Chairman, Asano Sekhose-ia kaketshirtem dang iba maongka junga agitsü, yimya tajung sayutsü aser Nagaland indang lemsateptsü junga renema alitsü ajungshi.

Sakura Exchange Programme ya Japan Science and Technology Agency (JST) mapatong ka lir aser iba sentong ya Japan lanurtem aser Asia lanurtem tsüngda shisa lemsateptsü atema Rashtriya MNadhyamik Shiksha Abhiyan (RMSA)-i yarisema ayongzük.

Science High School programme kübok JST-i takotet high school kaketshirtem hopta ka jaoka Japan indang scientific technology tajungtiba sayutsü aser mongin scientist tem ajurutsü atema maongka agütsür.

Iba sentong atema Nagaland nungi Delhi tsüngda senzudang indokba senji RMSA Nagaland-i aotsü aser tanungba nungdaktem nung indokba senji JST-i agütsütsü.



Dimapur, May 18 (TYO): May 17, 2017 nü DCs Conference Hall, Phek nung Phek Deputy Commissioner, Murohu Chotso den tepila sentong nung pai jembiba noksa nung angur. Tepila o jembidang Murohu Chotso-i pa den atongsema inyakertem, Phek nung department balala nungi ketdangsertem aser staff tem dang pa küm ana ser ita ti inyakba mapang nung pa den amalitepa inyakba atema pelaba lemsatop. Paise department balala nung ketdangsertem dang ajemalua nüburtem nendaka tenzüksü aser DC tasenba, Kovi Meyase dena amalitepa inyaktsü ayongzüka liasü.

ADC & MMC administrator-i sangdonger

Mokokchung, May 18 (TYO): ADC & Administrator, Mokokchung Municipal Council, Sachin Jaiswal IAS-i sangdong ka ajanga Mokokchung jila aser temeket nung aliba nüburtem dang, Ungma yimdak anasa aliba Tsukjongkong nung MMC jana indokba tesem ya taküm January 2 nungi mamshir, anungji yangji jana indoktsü memelar, ta lepshia metetdaksüügo.

MMC Dumpers aser ward

balala atema pickup truck tem asoshi MMC jana indokba tesem tasenbaji Mokokchung-Tuensang road junction tejenba nungi kilometer 7 shi pilar Mokokchung yim kübok "Sabangkaba menchen" nung lir, anungji tangartemi jana indoknüra MMC dang nungi metetdaksü.

Ano mejangjaba nisung kari MMC jana indokba tesem matongdang lenmang tezülen jana indoker, anungji ozüing

alema idakji jana indokba putetra tim ketdangsertemi temerenshi agütsütsü. Talisa jana indokba tongti tesem aser jila telungtet nung aliba jana indokba box nung shiruru tasü indoktsü memelar, ta kasa osang ajanga metetdaksü.

Ano ward balala ketdangsertem danga pei ward nung aliba moapu, kilentzü aodak aser lenmang tezülen jana indokba memelatsü metetdaksür, ta kasa osang ajangasa metetdaksü.

ST JOHN COLLEGE

ADMISSION
B.Sc. & B.A.

St. John College is permanently affiliated to NU & recognised by UGC under section 2 (f) & 12 (b) of the UGC Act 1958. We strive for excellence both academically and in moulding responsible citizens for our society.



Admission is now OPEN

B.Sc. 1st semester (both girls and boys)

Elective subject: Chemistry, Botany, Zoology, Maths & Physics
Honours offered in: Chemistry, Botany, Zoology & Physics

B.A. 1st semester (girls only)

Elective subjects: History, Political Science, Philosophy, Economics, Sociology & Education
Honours offered in: English, Economics, History, Philosophy, Political Science, Education & Sociology

Student Services
Sports facilities, well stocked library & laboratories, NSS, Student Council, excellent Mentor-Mentee programme, Evangelical Union, etc

Student Clubs
Students can be involved in many clubs such as Eco Club & Science Club

Girls Hostel
Secure & hygienic AC hostel available with limited space.

Target 2017
Fully hi-tech conference hall, Student lounges, NAAC Accreditation, among many others

PROSPECTUS & FORMS AVAILABLE FROM THE COLLEGE OFFICE BETWEEN 9:00 AM TO 1:00 PM

LOCATION
Diphu Road, Indisen village Dimapur-797112 Nagaland
03862-248022, 9612155625

FREE ADMISSION FOR TOP TEN POSITION HOLDERS
www.stjohncollege.in

OFFICE OF THE ALL WARD UNION, CHANGTONGYA TOWN P.O-Changtongya-798613, Dist.-Mokokchung; Nagaland. **SANGDONGER**

All Ward Union, Changtongya Town ajanga 18th May, 2017 anogo machi-majemtsü ayokba mita aoba mapang nisung 7 ket nungi machi-majemtsü (Rum & Whiskey) pua raksaa indoktsü aser parnok nem tapet temerenshi agütsüügo.

Maneni tarutsü nung Changtongya Town litsü tashi nung shiri machi-majemtsü ayokba mesüra temesepba mozü amshiba putetdir Changtongya Town Yimden ajanga temerenshi tulu alitsü ta nübur ajak dang sangdonger.

Sd/-
(I.MASANOKDANG)

Chairman,
All Ward Union, Changtongya Town
Dist.-Mokokchung; Nagaland

Career Guidance Seminar

Theme:
Building on Excellence

Organised by:

AKM, Divine Bridge Ministries,
Dimapur & Kohima Ao Students Union.

Resource Persons:

1. Dr. Jamedi Longkumer, Assistant Professor, Dmp Govt. college.
2. Miss Aotula T Imchen, IPS, Dimapur Police Commissionerate.
3. Dr. S.K. Chauhan, Director, Alpine Institute Of Management and Technology, Dehradun.
4. Er. N. Yanger pongen
5. Er. Asangba Pongen
6. Mr. Supongchiten, Director, Divine Bridge Ministries, Delhi.

Date: 17th May, Mokokchung Venue: Longkumer Kilem, Mokokchung
19th May, Kohima Hotel Ura, Raj Bhavan Road, Kohima
20th May, Dimapur DABA Main Church, Dimapur
Time: 11:00 Am Mokokchung
1:00 pm Kohima
11:00 Am Dimapur

This seminar aims to guide students and their parents in making decision on the best career option. The main highlights include career planning, selecting courses and institutions and financial assistance. There will be a counseling session after the seminar and direct admission will be given in various courses like engineering, architecture, horticulture, agriculture, forestry, nursing, pharmacy, management etc. Students who have completed their 10+2 (Arts, science, commerce) exam are cordially invited to attend the seminar along with their parents. Students are requested to bring the photocopies of their class 10 & 12 documents along with their passport

For More Information Contact: +918700695549 MKG, +918014650167 DMP, +918259825908 KHM

Tanü lanurtem aika parnok tazünga lenmangtem nung aibelena aoba aser lenmang tai shimba, institution, colleges tem tai nung azünga aser wrong information agüja free education mesüra admission aser scholarship tenüng amer student aser tsüraburtem aika ashioktsür, iba den ano kaketshirtem aika züngnüaka lenmang shidak mongutetba agi parnok tia raksaba aika ajurua tatem nung parnok taküm rongsen amajok nung atemer. Anungji lanurtem parnok tazünga lemmang balala nung yaritsü asoshi AKM, DBM, KAST & DAST longjemer iba Career Guidance Seminar ya ayonger. Iba sentong nung adentsü tsürabur aser student class 12 pass sür alirtem (Arts, Science & Commerce) ajak arua adentsü metetdaksür. Seminar temer külen Counselling mapang alitsü. Iba mapang temulonger aser tejangrar student tem asoshi course balala (Engineering, Architecture, Agri, Forestry, Horti, nursing, B.Pharm, BPT, Hotel management, Fine Art, law etc. nung direct admission agütsütsü. Anungji class 10 aser 12 indang documents photo copy den noksa bener arutsü metetdaksür.

May 20 nü AHODs & HODs senden ayonger

Kohima, May 18 (TYO): Chief Secretary, Pankaj Kumar-i sangdong ka ajanga, taruba Administrative Heads of Department aser Heads of Departments senden May 20, 2017 nikongdang 1:30 ako nungi Secretariat Conference Hall nung akatsü, ta metetdaksü.

Iba senden nung jembitsü onüktemji- Nagaland State Mineral Development Corporation Ltd aser DC Kohima-i Land Encroachment presentation nung akatsü, anungji AHODs aser HoDs ajak senden nung adentsü metetdaksür, ta sangdong nungsa shia lir.

Senior Treasury Officer Kohima sangdong

Kohima, May 18 (TYO): Senior Treasury Officer, Kohima South Treasury, I. Aochuba Pongener-i sangdong ka ajanga, Sr. treasury Office Kohima (South) nungi pension agir pensioners ajak (Life & Family) June 1 nungi June 30, 2017 nü tashi office mapang

nung Sr. Treasury Office Kohima (South) nung physical verification agitsü, ta metetdaksü.

Anungji pensioner temi PPO Book, Renewal I/Card aser Bank Account Book bener tsüngdong arutsü metetdaksür, ta sangdong nungsa shia lir.

NSBB-i International day for Biological Diversity amungtsü

Kohima, May 18 (TYO): Nagaland State Biodiversity Board (NSBB)-i May 22, 2017 anepdang 10:00 ako nungi Capital Convention Centre, Kohima nung "Biodiversity and Sustainable Tourism" omen

nung International Day for Biological Diversity amungtsü. Iba sentong nung tetushi tejaokerji Principal Chief Conservator of Forest & Head of Forest Force, I. Panger Jamir, IFS asütsü.



Agartala, May 18 : Brehostibarnü Agartala nung Congress puri parnok indang 12 point charter khanga ghonda 24 Tripura mokdangba mapang, police temi Congress nung züngsemtem pur aoba noksa nung angur.

Manipur sorkar mapa inyaker par 5 mapa nungi anentsü

Imphal, May 18 (Agencies): Welfare Commissioner-i Chief Minister N Biren Singh-i achaayanga anti-corruption cell tenzükba sülen, sorkar mapa nung inyaker parnok 5 mapa nungi anentsüogo aser Imphal Municipal Corporation nung inyakera parnok 3 mapa nungi anentsüogo.

Anti-corruption cell-i osang agütsüba dak ajemdaker state sorkari Dr O Heramot Singh, Associate Professor aser JNIMS, Department of Radio Diagnosis in charge HoD mapa nungi anentsüogo. Pai JNIMS nung MRI, CT Scan, X-Ray aser Ultra Sound agiba atema tetuyuba makai sen meshia agiba atema mapa nungi anentsü.

Pa mapa nungi anentsü tetuyuba Health & Family

Commissioner-i N Jiban Singh (LDC-IMC) ta agütsü.

Kasa ken o dak sendakba nung JNIMS, Radio Diagnosis nung attendant, N Romesh Singh-a mapa nungi anentsüogo.

Heingang police station nung FIR benokba mapang nuberitem ket nungi sen agiba atema Heingang police station nung Literate Constable (LC) ka mapa nungi agintsüba tetuyuba Imphal East police, SP-i agütsüogo. Iba ketdangser tenüng ya Huirom Dinesh Singh ta jangjaogo.

Maneni Imphal Municipal Corporation nung inyaker parnok 3 densema mapa nungi anentsüogo. Parnok asem ya; L Loken Singh (FA-IMC), M Kunjaraj Singh (FA-IMC) aser

registration agiba mapang sen talila meshizüka agiba atema mapa nungi anentsü.

MSPDCL nung Managing Director Suresh Singh-i Chairrel GP, Sugnu nung pre-paid meter activate sütsüba mapang sen meshizüka agiba atema mapa nungi anentsü.

Kasa mapang nung ano Singjamei police station nung inyaker G Kitty Sharma mapa nungi anentsüogo. Pai Singjamei police station nung aibelena alirtem jail nung jiojka mapang sen aser mess fee meshiba atema mapa nungi anentsü. Anti-corruption cell osang dak ajemdaker Imphal West police SP-i iba tetuyuba agütsü.

NFTIA, Arunachal Pradesh nung class tenzükogo

Itanagar, May 18 (Agencies): Arunachal Pradesh nung National Film & Television Institute & Animation (NFTIA) indang class tenzükba asoshi Chief Minister, Pema Khandu-i pelaba osang ka tanü metettaktsüogo. Iba reju ya Kolkata nung aliba Satyajit Ray Film & Television Institute & Animation (SRFTI) indang

kongsang ka lir aser khen asoshi Itanagar nung iba class ya agia atatsü. 'Journey to Cinema' indang course agitsü nisung 25 lir aser parnok ya hopta 10 mezüng agitsü.

Iba class tenzükba osang ya SRFTI Director, Dr. Debamitra Mitra-i Chief Minister ajurua senden ka akaba mapang agütsü. Arunachal nung aliba

lanurtem sempet balala keter alirtem ajunga iba reju nung azüngtsü asoshi ajungshi aser film yangluba tesem balala nung parnok sempet ajungkettsü asoshi Khandu-i reju ketdangsertem dang ajungshi.

Iba reju teti amenloksü asoshi ki-o jen yangluba ya Jote nung September ita nungi tenzüktsü, ta Khandu-isa ashi.

Mizoram nunger ka Delhi nung apu

Aizwal, May 18 (Agencies): Hombarnü ozüng alema amshiba temesepba mozü, Ephedrine sen crore ka alanga kg 22 agizüka lia Delhi Police Special Cell team kati Lalmuankima apu. Arishi küm 28 tain Lalmuankima ya Aizwal nung alir. Iba ozüng alema amshiba mozü ya pai Nigeria nunger ka nem agütsütsü liasü, shibai ano maneni Delhi nung tesem balala nung item mozütem perokshitsü. Pa apuba osang par kinungertem nem metetdaksüogo aser police-i maneni iba ken o dak sendaka aliba nisungtem indang osang tejengja metettsü asoshi bushisingdangdar.

Ketdangser kati ashiba agi, ozüngalema benshiba temesepba mozü aika Delhi-i Punjab nungi bener arutsüba osang tejengja ka parnoki angazüka liasü. "ACP Akhileshwar Yadav-i anir special tema kati Dwarka tesem nung Esteem gari ka

angu. Iba teloki gari anisang Ashok Kumar gari nungi alua Lalmuankima den ajurutepba angu. Iba sülen denaprongla sentepa gair khu abendak lapoka talep ka agitet aser iba talepji bener Lalmuankima oya alidang police tem kera kera oa dena apu," ta DCP, Special Cell, Sanjeev Yadav-i ashi.

Bushisingdangba mapang Ashok-i iba temesepba mozü Punjab nungi Delhi-i bener aru ta ashi. "Lalmuankima-i ashiba agi, Aizwal nung pai Mona ajuru. Par kibong kanga kangshiba ngua Mona-i pa shibelenba maparen inyaktüsü asoshi mesüzük," ta ketdangser kati ashi.

Lalmuankima atema iba ya Delhi-i tanabenbuba arurba liasü. Pa anogo 20 tejakdang khen aru. Pai ashiba agi, item temesep mozütem Delhi-i bener aruba atema pa nem sen 5000 agütsü aser item osettem Nigeria atongba sülen tanüngba 5000 par kinunger nem agütsü.



Guwahati, May 18 : Brehostibarnü Guwahati nung National Human Rights Commission nung mendenbuba, Justice H L Dattu, osangbenertem den jembidang tangokba noksa nung angur.

Indo-China arrtsü dak sendakba nung state 5 nungi CM tem senden ka akatsü

Sikkim, May 18 (Agencies): Union Home Minister Rajnath Singh Sikkim semdangtsü asoshi asüng aotsü. Pa Sikkim nung anogo asem amongtsü.

Pa Sikkim semdangba mapang Indo-China arrtsü nung aliba state 5; Jammu & Kashmir, Himachal Pradesh, Uttarakhand, Sikkim aser Arunachal Pradesh Chief Minister tem den Indo-China arrtsü nung security dak sendakba nung maparen balala reprangshia asadangtsü asoshi Gangtok nung May 20 nü senden ka akatsü.

Ministry of Home Affairs (MHA)-i achaayanga iba amala senden tang mezüngbuba akatsü.

Iba senden nukjidongji MHA aser Indo-China arrtsü nung aliba state tem tsüngda tesendaktep akangshitsü asoshi aser 'border security' jenjang tajungba küma ajungketshitsü asoshi lir kechiyong arrtsü

kümzüka ayutsüba nung state aser Centre na külemi longjemer inyaker.

Maneni iba senden nung arrtsü nung MHA-i achaayanga terenlok maparen balala inyakba, Border Area Development Programme aser state tem o ITBP na tsüngda tesendaktep nung keno alibatem lemteptsü.

Singh-i ano Nathula Pass aser Lachung ITBP border post semdanga Indo-China arrtsü nung ITBP sepaitem den ajuruteptsü.

May 21 nü pai SSB Bns. Hqrs (Geyzing & Yuksam) aser Indo-Nepal arrtsü nung SSB Uttarey, Kumukh & Bajrajadhara border post tem semdangtsü.

Home Minister-i maneni Geyzing kübok Sainik Sammelan ka nung sepaitem den sensaksemtsü. Iba sülen pa Sikkim, West District kübok Pelling nung Civic Action sentong ka nung adentsü.



ADMISSION OPEN FOR
HOTEL MANAGEMENT & FASHION DESIGN
REGULAR COURSE

EMPLOYMENT
through
Skill Education

Limited Seats

DEPARTMENT OF HOTEL MANAGEMENT DEPARTMENT OF FASHION TECHNOLOGY

100% job Placement record
9 years of excellence

Eligibility: 10 + 2
(Any Stream)

Programme offered
- BBA in Fashion Design
(3 years).
- Diploma in Fashion Design
(1 year).

Programme offered
B.Sc. in Hotel Management (3 years)
Modular base

*Forms available at the Department office
(From 10:00 Am to 3:00 Pm)

CONTACT: Hotel Management: +91 8575028601 / +91 9612152536
Fashion Design: +91 8257038881 / +91 7085445202

THE GLOBAL OPEN UNIVERSITY, NAGALAND
Sodzilhou Village, PO ARTC, Dimapur 797115, Nagaland

FORMS CAN BE DOWNLOADED FROM THE WEBSITE : www.tgounagaland.com

Unique Features :

- * UGC recognised
- * State of art facilities practical Lab
- * Separate hostel for boys & girls
- * Innovative teaching pedagogy
- * WI-FI campus
- * Indoor & outdoor games



TIR YIMYIM

YIMOBILEM (EDITORIAL)

DIMAPUR FRIDAY, MAY 19, 2017

PARTY TASEN

Nagaland nung taküm 2017 küm political party tasen ana tenzükogo. Yimten telok tasen anaji ka Nagaland Congress aser ka Democratic Progressive Party (DPP) lir. Atangji, taoba 2013 küm state general election agiba mapang tashi nung tokteper aser yimsü asür yimten teloktem Naga regional party asütsüa akok mesüra Indian national party asütsüa akok, parnok katia Naga nunger meima inyakba kuli mangur. Ibayongji, Nagaland nung ano regional party ka tenzüksü kanga nungdaka liasü. Iba nungdakji reprangteta yimten telok ana ya tentetogo ta angatetter. Aji oda, yimten telok tasen ana yagi Nagaland nung yimsü süa arur yimten telok ajak melena yimsü asütsü nükjidong lir. Ajisüaka, jangramatem kaji, yimten telok anaprongla ya akhidang yimten telok balala nung lenir aser yimsüsüa arurtemi dang tenzükba telok lir. Aji oda, tangar shin o nung ashi ama, bottle melen dang ashi yibo memelen, anungji kasa dang asütsü. Atangji, tang ya Nagaland nung temelenshi tajung ka nungdakba indang jembir, kechiyong Nagaland ya ochimashi agi sünger, terenlok mapa meinyakteti kuma lir. Anganüang, tanganü item ajakji tanga yimsüsür taintemi raksaba Nagaland lir. Nagaland nung yimsüsür taintem ya ka ana dak alaka ajak Congress telok nung metendangba mali. Aji oda, Naga nunger yimsüsürtemji teimbaka yimten nung tangatetba mali (politics without principle) sen bushirtem dang ta ajatsüsa tang tashi party melena-melena 'Ruling' nung dang dena aruba angur. Iba jagi Nagaland meyangludangyongi raksago. Tanü iba teraksaji yanglutsü asoshi Naga nunger alima meimba, ochitashi aser tasütait lanurtem nungdaker. Naga lima yanglutsübaji tamburtem party melenba mesüra tamburtemi party tasen akümba kisung agi memelenshitsu saka lanurtemi takoksa arema shilem agitsüla. Atangji, party tasen ka akümtsübaji tasak, kechiyong iba mapa nung shisatsü, nübo aser rongsen aika nungdaker. Ibayongji, taintem aija jembia, shitakba nungbo lanurtemi taintemji ajateta mapa kuma meinyaktetter. Aji oda, lanur putu ta jembiyonga lanurtemi mapusotetter, iba jagi alima tejakleni anir aor mali, anogo shi kati ka aitsütepa dang amonger. Ibaji shisa akaba temulungjang aser tekolok masü. Aji oda, tangar aitsütsü yabo temela saka peisasa yimten aser lokti khuret benloker inyaka aotsübo tasak, anungji Naga nunger lanurtemia tangar-tangar dang aija memongi yimten nung shilem agitsü mapang tongogo. Atangji, Naga nunger rongnungsa süaka Ao kin dak alaka tangar Naga nunger kintem nungibo kenshir oshir aser tashitemeteter lanurtema aika yimten nung shilem agitsüsa election-i irr adoker. Ajisüaka, Naga nunger tia majung item lanurtem jagia kecha balaka tajung meinyaktetter. Aji oda, ashiko taintemi tenzuka aliba yimten telok nung adenba ajanga lanurtema menener südi. Item tensa tiaji bilemdangdang, tanü Nagaland majungba ya, shitakbabo, taintem majungba agi masü saka lanurtemi pei lima meima shilem magiba ajanga lir ta angtettsü. Alima nung temelenshi arutsüba ya ajak khen nung masü saka tamasa nisung ka dak tesem ka nung temelenshi aru tenzüksü aser ibaji milak ama jangrua alima asungtsü. Tanü Nagaland yanglutsü atema iba lanur nisung kaji nungdaker. Nagaland state ya lanurtemi yangluba state ka lir, kechiyong 1960 küm Nagaland akümtsü atema India den ken o renemer Naga nunger lenirtem ajungaji lanurtem dang liasü. Iba tejang tajungji tanü asenoki achir. Lanurtem arakzüksüla, lanurtem rongnung tarutsü tia indang bilemdanga yimten ken o benoka jembitsüla. Atangji, taintemi tenzükba ama yimten telok tasen ka tenzüksübaji lanurtem asoshi tasak, anungji yimten tasen balaka metenzükuyonga temulung dang putepra aser temulungtetba lira, tang yimten telok tasen tentetbatem nungji lanurtema adentsüa akok. Atangji, lanurtem aikati taintem den kulem ser aotsübaji nümadanga mebilemer. Ajisüaka, tetenzükdak ka akatsüla, iba jagi lanurtema yimten telok ka nung mesüra ka nung adentsüsa akümer. Aji oda, tasenji tasen ama nübortem nem teimla tasen ka agüja külemi yimten yimli yangardi süra, Tsüngrem tenung nung taintemi Tsüngrem aser nisung anema menaba taitem nübortem tsüngdang nangzüksüla aser telok tasen akümba amaji temulungjanga tasen akümtsüla.

OLEMSABANG

KECHIBA NAGALAND NUNG BJP NÜNGDAKER

- I. Zülü Pongen, Mongsenbai Ward, Mokokchung.

India lima nung prime minister ya BJP nungi adok. Pa ya tamasa yongi pa prime minister inyaktsü ta party mongintem den nangzükteper adoktsü südi. Pai pa adoktsü atema dang masü India ajunga nung BJP adoktsüsa asalendongji yanglu, iba ya pa koloki tonger liasü. Ano pa adoker külena pai koma inyakner pai mulungba sentong ajak nung takok ngua arudagi. Black money system ya tesüngmangtsü ka inyaktet, ibai ajanga India nung takar rongsen aika ochi mashi bendenba sen ajak mamshitettsa pua ayu. Tangbo joko tangar party dang nungi BJP party sen teimba ta sangdongogo.

Khen mapang kabo India National Congress party ya kodanga melaotsü ama bilem aser party tashi tait asünungji state election nunga congress party sapur dang kuma congress ticket dang raktepa aru. Joko tangbo Indian Congress party lenir tongti aika pai bena aliba mapa toktsür, kechiaser joko teimla samar südi. Congress nungi anener BJP den teka amteper Modiba sülen anidaker. Joko National congress ji tashi meiti kümer temoatsü aser tajangzük mangutsü asünungji, India nung National party aika liaka takar daksa jenok tajungba ta meteta Naga nungera rongsen dangi meyipdagi.

Atangji mapang ka aru, NPF ya talubosa adok, küm 15, term asem DAN III dak tashi arudangbo minister shimtsü shiba-anga meshimtsüsa kuma parliamentary secretary ta tenung jatsür minister ama kümtsü. Ano oda odabo T.R. Zeliang mapangbo Congress MLA 8 jia parnok teimla sama asü koda asüar NPF dangi arua chichiba NPF kuma adok. Assembly nung opposition meli-i aküm aser ajaki NPF sa tajungbata züngshia aru. Pa majung pabo junger ta mashir, kechiaser longjemba dak alakabo shinga daka tajung majiteter.

MLA minister lokti senden ajak nung chief guest aja dang mesüra jaokdangbo o tajungbo ajak jembimar, shisaliok tajungba atema, meranga inyaktsü atema, ochishia alitsü atema temulung rongga jembir, saka shisaliok sayurtem telok balala mapang shia longkak aiter, ochishiang ta ashir saka pai anir alima renloktsü budget yanglua sen bener aruba sanction ajak pei yangko nung asemer. Departmental secretary-tema ochi meshi-ia alitsü südi, saka ochishira koda masütsüka, koba lenmang nunganga reportji mesayutetdi shisabulur, kechiaser ministerbai ajak bener aoba agi.

Nagaland nung tenemtsüng lenmang atema mangtetep tenokdangtsüa aruogo südi. Saka 2016 Ao Milen nung anguba agi Noklotoshi Highway Minister aliba mapang tenemtsüng lenmang High Way aser PWD lenmangtem tekeraba nung renemang ta zülua aliba züngshi, tetezü sanction bener aruogo ta angateter. Saka langka tenokdangba ali asü masüar April ita nung adokba milen osang nungbo tenemtsüng lenmang yanglutsü tangbo sen mali ta züngshi, sürabang tenemtsüng sanction shibai samadaksü, kechi nung agi ?

Joko NPF ya tashimait mulung malemstsüsa alidang, BJP Nagaland-i aruner, ya aru nung jungdi. Ao Milen nung Khristan tamangba kumzuka ayutsü BJP Nagaland-i nangzükta ta zülua aliba züngshi, Per-i aluh meyoktsü yongya ama, Modibai Nagaland ya meyoknua alidang, Naga nunger BJP lenir-i Modiba den ajuruteperji, Naga nungerjia mapang talangkabo meli-i kü dangi ajak arutsü ta pabo pelaseta yimlaseta atadagi. Saka pai Naga nunger atema kobika lenchi-arutettsü.

Naga BJP temi ya kokra, Naga nunger atema dang masü All India Christians aser Muslim atema Nashi Mohul teshibang ta shitetdima? Nisungbo yimdong nung anungdang ajaki ngua tamangertem sentepi ooya lia nokdang mi agi rongseta südaktsür, saka shingaia mashishi-i koya asü ama bilemer aser shingaia kecha meshiteter. 2017 küm tanga tenla ki aika rongdoktsüdagi, Nashibo taküm alitsüla saka khristanbo taküm malitsüla, nenoki ya nokdangtetra Nagaland nung BJP alitsü akok. O Naga BJP lenirtem, tamasa India nung Assam, Manipur lima nung Nashi shi Mohul lapoka yoktettsüsa temelaba ngutetra aser Khristan tem India tesem ajak nung sadema külemtettsüsa temelaba ngutetra, Nagaland nung BJP ji nungdaktsü aser onokia yaritsü.

Saka Nagaland kisung asoshibo ya ashioksüba sentong dang ta Khristan puribo agizükta/angateter. Tanü na ajung asa-a tejembi, Aoli Pastortem den tamanger ajaki sarasadem tenzükogo. Ya Tsüngrem ket nung lir, anungji Tsüngremi mapang yari mapa inyaktsü.

O Naga nungertem, asenok rongsen yong taküm, tanela mayoktsü kümdangang, Yisui ashi, "Ya zülua lir, am tesa agi taküm mali, saka Tsüngrem bang nungi adokba o shia agi taküm alitsü."

Iba Olemsabang nung lemsaba ken-o aser shisatsü ya iba ocet zülur-i bilemba ken-o ama tazünger-i angateta agitsü mepishir



May 17, 2017 aonung The Royal Society SW1, London nung Christian disability charity telok, CBM UK kum 21 ajungba benjungmung nung CBM UK chief executive, Kirsty Smith den lenirtem tangokba noksa nung angur. CBM UK kum 21 ajungba nungtem nung parnoki '21 Stories' kaket sayaogo. CBM teloki alima nung matamabensar, timtemer, mokokminer, parnok kibongtem aser sensakertem lenmang balala ajanga yarir. Yakum kum kija nunga CBM teloki nisung million 28 tenuk apokba tashidak nungi kumzükogo, tanur 79,913 yaria school-i yokogo aser nisung 4,60,627 nem tenuk surgery agitsüogo. CBM UK telok ya 1996 kum tenteta liasü.

India nung Khristantemi Yisu indanga mejembitettsüsa mapang arudar

May 18, 2017: India nung Hindu Nationalist temi maneni Khristantem reshikangshia arudar, iba den külemi pei tamangba yimsü-a toktsütsüsa reshikangshidar, ta Christian charity nung inyakertemi ashi.

Bodhbarnü Premier Christian-i publish asüba ocet ka nung Release International nung Chief Executive, Paul Robinson-i, "India nung aliba state tem nung telungpurtemi Arogo nung inyakertem amokmerener aser tepseter," ta ashi.

"Kanga alia oa amangertemi Khristantem parnok tamangba yimsü toktsür Hindu yimsü dangi meyipdaksütsü atema rongshir. Parnoki Tenla kitem nung bomb pokloktsür, mi agi rongdoktsür aser raksatsür," ta paisa ashi.

Ano state pongu nungbo anti-conversion ozüngtem lir, aser ibaji ajanga Khristantemi pei tamangba yimsü indang sademsadema mejembitetter, iba den külemi missionary mesüra evangelistic mapatem nunga parnoki temelung malemer.

"Parnok tangatetbajikangshia amangdaksüba ya ozüng alema inyakba mapa ka akümstsüla. Kangshia

amangdaksüba ya tagidak mali akümstsü ta ajaki bilemer," ta Release International nungi Andrew Boyd-i ashi.

"Ajisüaka nai kodak indang sayutsüngira ibaji sübokrem ama züngshir, aser nai molumi indang jembira ibaji amokmerener ama züngshir. Ano nai Khristan ka ama mapa tajung ka inyakra ibajia sübokrem ama züngshir," ta paisa ashi.

Boyd-i ashiba agi, Dalit nungertem ya "untouchables" ama züngshir aser jenjang teküboktiba nung lir, aser parnok aika Khristian dangi meyipba ajanga Hindu Nationalist tem jashir.

"Item nisungtem (Dalits) aika Khristian yimsü dangi meyiper," ta paisa ashi.

Tawa India nung Khristantem aika Hindu yimsü dangi tanaben meyiptsü rongshiogo, aser Chhattisgarh kübok Junwani yim nunga Easter Sunday mapang nung parnok aika Hindu dangi meyiptsü rongshiogo.

Tan hopta International Christian Concern osang ajanga ashiba agi, iba yimdak Easter tekülem sentepi aoertem dang

senchi US sen 312 achi, mesüra ita pezü-pongu taa senchi achi.

Khristan kibong 15 shi kangshia tanaben Hindu yimsü dangi meyipdaksü, saka karibo ibaji magizük.

Iba yimdak arishi kum 55 tebur ka tenüng agi Kanesh Singh-i, "Ni senchi agütsütsüsa ni ozüng alema kechi aibelen? Ni kecha mauya. Ni tetsür anema meinyak. Ni shinga dena merara. Ni shinga metepset. Tenla kidangi oa Yisu külembaji ozüng alema aibelen ka süra, ni iba aibelen jibo anogoshi inyaktsü," ta ashi.

Ano iba yim nungisa Tekami, "Ni tekülem kidangi aotsü atema parnoki ni nokdangtetsü akok, ajisüaka parnoki kü melungjang nungi Yisu bo magientetsü. Ni lenmang ka mesüra ka ajangabosa tekülem kidangi aotsü," ta ashi.

Linük nung Hindu metsünga reta amangertemi alia inyakba nung Ato kilonser, Narendra Modi shilem-a asadangdar.

The Christian Post osang ajanga ashiba agi, Christian Aid Mission-ibo, Khristantem anema inyaktsü atema Modi'er sorkari Hindu metsünga reta amangertem ajungshir, ta aitsüogo.

ANO GO ABEN TSÜNGREM DEN

AJUNGSHIBA TANELA AKATSOLA

"Shiba tiptema ali pa mulung nung tia makar sempar;

Alangya alir asoshi aji renema kar"

- Yob 12:5

Asenok taküm nung ajungshitepba ya kanga nungdak tulu lir. Kar shiranga alidang, sensaka alidang, timtemdang, kati ka tanela aser teyaritep agi ajungshiteper aser ibaji ajak asoshi mapa tajung sayur. Yob medemertemi, Yob timtem nung alidang pa ajia jembiba aiben asenoki Laishiba nungji angütsü. "Na temerük aser tindang lira; atangji Tsüngremi na tepu akümstsü aser ne temeshiba talidak shia agütsütsü" Yob8:6. Tapu aika atongdang, saka Yobi Tsüngrem tajungshiba aser telangzüba lelang dang bushi.

Kodang asen taküm nung ajak junga aor, timtem makai alirtemji taküm tajungba aliba agi ta asen mulungi bilema aittsü temela, mesura kangshia alir denbo, junga alirtemji Tsüngremi tali meimbatem ta bilemstsü akok. Saka aji masü, Tsüngremi asenok ajak ya kasa nung meimer. Karbo Tsüngremi meimba nung tajung aser ana tendangba ajurur aser iba tendangbaji asenok Tsüngremi sendoker ta mebilemstsüla saka Pa tali bushia, Pa nem tali tenüngsang agütsüra asenok asoshi temoatsü tulu alitsü.

Sarasadem

Yisu, Onoki Na tali meimstsü. Ne tashi agüjangma. Amen

Khristantem reshikangshidang asenok anisüngzüka malitsüla

Washington D.C., May 18

(Agencies): Alima nung Khristantemi reshikangshi tai ajuruaka tai atoker, ajisüaka anüdoklen aliba linüktemibo parnok pusemstsü atema taoba hopta senden ka nung bangjemogo.

May 12 nü Defense of Persecuted Christians World Summit nung jembidang Washington, D.C. Cardinal Donald Wuerl-i, "Asen adianu aser aianutsürtemi reshikangshia tia ajurudar, tepoukdaki idar aser tepsetdar, ta meteta asenok süngjema malitsüla mesüra melung süa malitsüla," ta ashi.

"Kodang Khristian tem timtemdir, asenoka timtemdar. Ibaji tim masü, iba ya kangasa tim masü, asenoki süngjema malitsüla saka ola adoktsüla," ta pai ashi.

Taoba hopta D.C. summit ya Billy Graham Evangelistic Association-i ayonga liasü, aser iba senden nung alima linük 130 nungi Khristan lenir 600 dak tema aden, aser iba senden nung Syria, North Korea, Iraq, Egypt aser Cuba linüktem nungi lenirtema dena liasü.

Iba senden nung tongti onükji, alima nung Khristantem reshikangshi tia nung aliba indang liasü.

Brihostibarnü iba senden nung Vice President Mike Pence-ia jembia liasü.

Iba senden nung Catholic aser Orthodox lenirtemi, Africa aser Asia linüktem nung Khristantemi yimjung yanglur mesüra apu latsür ama

tongtibang shilem ka agir, ta ashi.

Ano 2006 kum Iraq nung kiralongrartemi anogo aika pua yur reshikangshi tia ajurusang, Chaldean Catholic putir, Fr. Douglas al-Bazi-ia Islamic State telok ket nung reshikangshi ajuruba indang jembi.

Pai ashiba agi, Khristantem ya khenyongi balaka, taitok agütsüetba telokji Khristan telok ya dang lir.

Fr. Bazi-isa, "Kechiyong, onok dak itemji atalokaka, onoki tarutsü nung tamang akar, taküm dak tamang akar, aser maneni longjemer alitsü atema bilemer," ta ashi.

Fr. Bazi ya tamalen Erbil, Iraq nung tenzüka liasü, saka tangbo New Zealand nung tenzükdar. Pai Project 52 ketdangser.

"Kü shi temangbo New Zealand nung lir, ajisüaka kü melungjangbo tang tashi Iraq nung lir," ta pai ashi.

2014 kum IS teloki Northern Iraq tesem tuluka maaka agidang parnoki Khristantem dang Isam yimsü dangi meyipang, mesüra toktsür oang ta ashi. Iba yongji parnok aika Erbil-i jena ao.

Tangbo IS züngsemtem Nineveh Plan aser Mosul nungi meindoker asüngnungji refugees aika pei kidangi meyipa shilangogo.

Iba senden nung o jembirtem aikati, Africa, Middle East aser Asia nung charity mapatem aika inyakaka anüdoklen aliba Arogotemi maneni sarasadem aser tenla mapa agi yaritsüla, ta ayongzüka liasü.



Maharashtra, Nagpur nung Khristian Pastor kati Khristian yimsü dangi meyipertem tzsentsüba noksa nung angur.

No.14011/01/2016-P&C
GOVERNMENT OF INDIA
MINISTRY OF INFORMATION AND BROADCASTING
SONG AND DRAMA DIVISION

Temulunger Private Cultural Troupes aser Casual Artistes (shirnok Individual Artistes/ Empanelled Artistes lir) parnok Song and Drama Division nung registration asütsü asoshi application meshir.

Song and Media Division ya Ministry of Information and Broadcasting Ministry kübok Media unit ka lir aser iba ya ajanga Central Government sentong aser inyaksangshi metetdaksütsü asoshi live media ajanga nisungtem tsungda tesendaktep yanglutsür. Division ajanga linük nung tesem balala nung alir kin tapu balala tsungda sendaktepdakja pei oshi agi pei sobaliba kentemenü idaksüa loktiliba putepa alitsü, linük telongjem, lokti temenen anema raraba, tetsürtem tashi itshidaksüba, tzu mopong merüka alitsü aser talisa yimtak yimsungtem nung terenlok mapa inyaksüba, health & family welfare aser Education onüktem nung sentong tapu balala atonga inyakba mapatem ya tongtibang mapa kar asütsü.

Registration asoshi application meshiba ya Regional centres Bangalore, Bhopal, Chandigarh, Delhi, Guahati, Kolkata, Lucknow aser :Pune asoshi tapu ana alitsü, kaji Private Cultural Troupes aser kaji Casual Artistes/Individual Artistes/Empanelled Artistes. Iba registration agiba ya Ministry of Information and Broadcasting-i approve asüba guidelines parnok shidi No.M-27015/2/2015-FS dated 21.07.2016 nung shia aliba ama asütsü aser itemji website www.dfp.nic.in nung angutsü. Iba atema application agütsürtemi guidelines-ji junga azungtsü mepishir.

Iba application ya prescribed format nung temulungertem Pvt. Cultural Performing Parties. Troupes of Drama, Composite Programmes, Folk Music aser Dance Traditional Recitals, magic, Mythological Recitals, Puppetries etc aser individual artists item nungi kum asem asoshi meshir West Bengal, _____ aser Lakshadweep Island. Iba application agütsürtem ya pei oshi aser pei sobaliba aser inyaksangshi ashitsüla. Ano, iba application ya Drama, Dance, Instrument, Singer aser tanga performing mapatem nunga individual artists nungi empanelment asütsü asoshi meshir. Annexure 1 nung prescribed proforma page 3 nung agüja lir, ibaji Private Cultural Troupe aser Casual/ Individual artistes na prongla atema Empanelment atema asütsü. Iba application agütsürtemi, nungdakra, tapak tali enoksema zülur agütsüsüa akok.

Application agütsürtemi item ya jungunga metettsüla :

- Song aser Drama Division kübok registration/ empanelment asoshi India nung sensotem nungi item Private Cultural Troupes aser Casual Artistes / Individual Artistes / Empanelled Artistes nungi application meshir.
Drama, Dance-Drama theatrics' tech.
- Troupe/ Individual Artistes shia state/UT ka nungi dang pei state nung jembiba oshi nung dang shilem agitsü asoshi tenung agütsütettsü.
- Envelope tema nung Category/ language aser State/UT tenung zülutsüla.
- Troupe (Private Cultural Troupe) aser Casual Artistes / Individual Artists (Empanelled Artistes) kati region ka nung Song and Drama Division den registration asütsü asoshi asungdangtsü akok. Private Cultural Troupes / Artistes yangi agüja aliba tesemtem nung kongsa register süa ali, item jagi yangi agüja aliba Regional Office nung asungdangtsüla :

Name & Jurisdictions of the Regional Centres

Sl. No.	Regional Centre	Jurisdiction	Application to be sent
1	Kolkata	West Bengal, Odisha and Andaman & Nicobar Island	The Deputy Director, Song & Drama Division, 15, R. N. Mukherjee Road,3rd Floor, Kolkata-700 001,West Bengal, Ph. 033-15655/22315536.
2.	Guwahati	Arunachal Pradesh, Assam, Nagaland, Manipur, Meghalaya, Mizoram, Tripura, and Sikkim.	The Deputy Director, Song & Drama Division, KKB Path, Hati Gaon, Guwahati – 781003, Assam. Ph.0361-2231056
3.	Lucknow	Uttar Pradesh and Uttarakhand	The Deputy Director, Song & Drama Division, Kendriya Bhawan, 8th Floor, Hall No.4, Aliganj,Lucknow - 226024, Uttar Pradesh. Ph.0522-2746677.
4.	Delhi	Delhi and Haryana	The Deputy Director, Song & Drama Division, 1024, 10th Floor, Soochna Bhawan, CGO Complex, Lodhi Road, New Delhi-110003.Ph.011-24365760. The Deputy Director,
5.	Chandigarh	Punjab, Himachal Pradesh, Jammu-Kashmir and Chandigarh UT.	Song & Drama Division, SCO-358, Second Floor, Sec-32/D, Chandigarh – 160047, Punjab.Ph.0172-2601366 The Deputy Director,
6.	Bhopal	Madhya Pradesh, Chhattisgarh, and Rajasthan	Song & Drama Division, 146-Rachna Nagar, Bhopal-462023, Madhya Pradesh. Ph.0755-2585249.
7.	Pune	Maharashtra, Gujarat, Goa,Daman Diu, Dadra & Nagar Haveli States/UTs.	The Deputy Director, Song & Drama Division, 47/30-C/1/1, Pune Satara Road, Dr. Arneyshawar Corner, Paravati, Pune-411009, Maharashtra. Ph.020-24220660. The Deputy Director,
8.	Bangalore	Karnataka, Kerala and Lakshadweep Island.	Song & Drama Division, Kendriya Sadan, A-Wing, Ground Floor, GPOA, 17, Main Road, II Block, Kormangla, Bangalore-560034, Karnataka. Ph. 080-25537993/25502164.

- Telok nung tanishir / individual artiste indang tawa agiba Passport size noksa copy asem Gazetted Offucer / bank Manager/ School Principal / State government office mashi ka nung State Government Officer/ Officers Undertaking Officers nem attest sudaksür Application Form den külemi enoktsüsüla.
- Tawa Troupes pur telok agiba noksa copy asem application den enoktsüsüla.
 - Nisung ka nungi tenet tashi aliba noksaji Post Card Size asütsüla.
 - Nisung ti nungi 15 ser tema aliba noksaji Cabinet size asütsüla.
 - Item noksatemji Gazetted Officer / Bank Manager/ School Principal / Post Masters / State government office mashi ka nung State Government Officers/ Undertaking Officers nem attest sudaksür Application Form den külemi enoktsüsüla.
- Noksatem denji shitipak balaka nung Artistes / Performers indang item ya zülua alitsüla : (1) Name --- (2) ----- Iba tapak nung Troupe leader-i sign asütsüla.
- Tanishir dena artistes ajak 01:07:2017 anogo tashi nung artistes ajak arishi kum 18 teküpbok masütsüla.
- Cultural Troupes Artistes aser Casual Artistes / Individual Artistes / Empanelled Artistes puritemi artistes shia Character Certificate anana khuret bentetba tejangja nisung anati kuli agütsüba dena enoker application agütsüsüla. Iba Character Certificate-ji kuma ana dak tali tejen masütsüla. Iba Character certificate ya Gazetted Officer mashi ka nungi mesüra Local body nung shimteta nisung/ Panchayat tekolakba nung seal dena mesüra local bodies dang nungi tekaba alir ozung yanglurtem, PSU banks nung Bank Officers, India government nung ketdangser mashi ka, State Govt. Undertakings, Govt. Doctors, Post Masters, Registered Medical Practitiners mashi ka (RMPs), Army Officers aser zungsem mesüra Centra:/ State Government nung inyaktertem, school tesayurtem (Recognised asüba school mashi ka) nungi agitsü akok.
- (i) Northeast states nung aser LWE affected districts/ Areas nung nübertem alidak anasa government office mesüra office nung inyaktertem mesüra elected representative mesüra local body mesüra Panchayat malitsua akok, iba ama tesem nungji talirtem rongnung ajak dang tambu aser tantsü / arogo nung putir/ RMP mashi kati/ Armed Forces nung inyaker/ Para-Military Forces nung inyaker/ Post Master/ School Tesayurtem/ State mesüra Central Govt Undertaking Telephone, Prasar Bharati, Health, Irrigation, Power Bank etc nung inyaker mashi kati Character Certificate agütsüsüa akok.
- Troupe aser Casual Artistes/ Individual Artistes / Empanelled Artistes lenirji azungtsü aser zülutsü akokba nisung ka asütsüla aser pei region nung jembiba oshi zungtetter, zülutetter aser jembitetter asütsü merangtsüla. Iba telok nung lenirji nübertem den junga jembiteta aser pa/laji artiste asü tajungba, yamaji masüyonga pa/la dakji stage aser live arts indang kanga junga metetba nisung asütsüla. Pa/ la jagi government sentongtem indang kanga junga meteta alitsüla aser linük nung tongtibang onüktem indang meteta alitsüla.
- Iba maparen dak aketba nung Screening Committee ajanga audition/screening test agiba nung adenba atema TA/DA malitsü.
- (A) Drama Troupe aser Composite Troupe (anaprongla) nung teimtiba agi artistes/ performer 20 (metsü) dang telok shia nungi empanel asütsü merangtsü. Ajisüaka, Composite mesüra Drama category Troupe (ka mesüra ka) contract yanglubaji shimteter aliba Private Registered Troupes (PRTs) asoshi dang alitsü aser yangji members/performers teimtiba agi 11 (terka) aser ishitiba agi 8 (ti) asütsü. Private Registered Troupes (PRTs) tenung nung shilem agirtemji tekalen shia aliba screening/ audition agiba mapang shimteta list nung alirtem asütsüla.
- (B) Folk & Traditional Recital, Mythological Recitals, Magic, Puppet etc. asoshi shilem agir nisung teimtiba agi 16 (terrok) shimtetsü akok, ajisüaka contract-bo shilem agir (shimteta aliba telok nungi) teimtiba agi nisung 7 (tenet) nem dang agütsüsü. Private Registered Troupes tenung nung shilem agirtemji tekalen shia aliba Screening / audition agiba mapang shimteta aliba artistes list nung alirtem asütsüla.
- (C) Telok purtem rongnung zungsem melentsübaji Screening/Audition test tashi nung dang melatsü, iba sülenjibo telok purtem zungsem melentsü kenyongi memelatsü. Song and Drama Division purtemi tendangertem lia Screening agiba mapang Artistes noksa agitsü aser iba nungji ajemdaker result agütsüba sülen teshimtetertem parties/troupes nem Division-i idently card agütsüsü. (Ibaji Sl.Nos.5 & 7 nung shia aliba ama ataloktsü nung dang agütsüsü).
- Meyipa mangutsüba Registration Fees Demand Draft ajanga application den külemi agütsüsü. Meyipa mangutsüba Registration fee telemsa yamai alitsü :
 - Meyipa mangutsüba Registration fee-ji Rs.2,000.00 (Rupees Two thousand only) parties/troupes nung artistes/performers nisung 10 (ter) mesüra tema purtem atema alitsü.
 - Meyipa mangutsüba Registration fee-ji Rs.1,000.00 (Rupees Two thousand only) parties/troupes nung artistes/performers nisung 10 (ter) dak tajemba purtem atema alitsü. Individual artistes ajak (Empanelled Artistes) Rs.1000.00 (senpak meyirijang ka) deposit asütsü nungdaksü.
 - Application tapu ajak atema meyipa mangutsüba Registration fee ya Demand Draft ajanga dang Drawing and Disbursing Officeer, Song and Drama Division, New Delhi tenung nung agütsüsüla.
- Registration fees magütsüsü purtem :
 - Troupe ka lenisangji item telok nungi süra Registration dee magitsü : (i) SC mesüra (ii) ST mesüra (iii) tetsür. Troupe/ Troupes koba nung ST mesüra SC tetsür zungsem 50% lidir, iba telok nungi Registration fee magitsü. Tropues shirnokisa iba teyari aginür, parnoki application form den certificates shitak agütsüsüla.
 - Ministry of Home Affairs ajanga reprangtetba Left Wing Extremism District nung alir Casual Artistes/Individual Artistes / Empanelled Artistes indang tsunglanglen agüja alirtem dang nungi Registration fee magitsü :

Sl. Nos.	States	Name of Identified Districts
1.	Andhra Pradesh & Telengana	(1)Anantapur, (2)Adilabad, (3)East Godavari, (4)Guntur, (5)Karimnagar, (6)Khamam, (7)Kurnool, (8)Medak, (9)Mehboobnagar, (10)Nalgonda, (11)Prakasam, (12)Srikakulam, (13)Visakhapatnam, (14)Vizianagaram, (15)Warangal, (16)Nizamabad.
2.	Bihar	(17)Arwal, (18)Aurangabad,(19)Bhojpur, (20)East Champaran, (21)Gaya, (22)Jamui, (23)Jehanabad, (24)Kaimur, (25)Munger, (26)Nalanda, (27) Nawada, (28)Patna, (29)Rohtas, (30) Sitamarhi, (31) West Champaran, (32) Muzaffarpur, (33)Sheohar, (34)Vaishali, (35)Banka, (36) Lakhisarai, (37)Begusarai, (38)Khagaria.
3.	Chhattisgarh	(39)Bastar, (40)Bijapur, (41)Dantewada, (42)Jashpur, (43)Kanker, (44)Korea(Baikunthpur), (45)Narayanpur, (46)Rajnandgaon, (47)Sarguja, (48)Dhantari, (49)Mahasamund, (50)Gariyaband, (51)Balod, (52)Sukma, (53)Kondagaon, (54)Balarampur.
4.	Jharkhand	(55)Bokaro, (56)Chatra, (57)Dhanbad, (58)East Singhbhum, (59)Garhwa, (60)Giridih, (61)Gumla, (62)Hazariabag, (63)Koderma, (64)Latehar, (65)Lohardaga, (66)Palamu, (67)Ranchi, (68)Simdega, (69)Saraikela-Kharaswan, (70)West Singhbhum, (71)Khunti, (72) Ramgarh, (73) Dumka, (74)Deoghar, (75)Pakur.
5.	Madhya Pradesh	(76)Balaghat,
6.	Maharashtra	(77)Chandrapur, (78) Gadchiroli, (79) Gondia, (80) Aheri.
7.	Odisha	(81)Gajapati, (82)Ganjam, (83)Keonjhar, (84)Koraput, (85)Malkangiri, (86)Mayurbhanj, (87)Navrangpur, (88)Rayagada, (89)Sambalpur, (90)Sundargarh, (91)Nayagarh, (92)Kondhamal, (93)Deogarh, (94) Jajpur, (95) Dhenkanal, (96)Kalahandi, (97)Nuapada, (98)Bargarh, (99) Bolangir.
8.	Uttar Pradesh	(100)Chandauli, (101) Mirzapur, (102) Sonebhadra.
9.	West Bengal	(103)Bankura, (104) Midnapore, (105) Purulia, (106) Birbhum.

15. Private Cultural Troupe aser Casual Artistes / Individual Artistes / Empanelled Artistes purtem ya Song and Drama Division kubok contract nung inyakterem dang lir. Parnokji Song and Drama Division, Government of India nung inyaker makümsü. Parnok register sür külen PRTs nema ya sentongtem lemzüksütsüba Government of India khuret masütsü aser sentü ama ka mezüngshitsü. Empanelment tetezü kodang nüngdakdir shilem agitsü atema tenüng züluoja ayuba dang lir.
16. Private Registered Troupes (PRTs) aser Casual Artistes /Individual Artistes / Empanelled Artistes shirnoksa tekalen shia aliba shilem agitsü mapang ngudir, idangji yimya tajung beshitsüla. Kodang Song and Drama Division, Govt. of India tenüng nung shilem agidir parnok yimyaji nübertem tsüngdang tatishitsü tajung asütsüla. Artist /PRT kar anema danga ken o arura itemji anendaksütsü asoshi department dak tashi alitsü.. PRT nung züngsemtemi lokti anema inyakba maparen nung division-i khuret mabentsü.
17. Screening/audition temer külen Screening Committee-i Song and Drama Division nung registration agitsü atema screen agir troupes shimba osang metetdaksütsü.
18. Shitak renemer agütsüba application dang agizüksü. Applications agüja alibatem repringdang külen troupe lenirtem/ individual artistes shirnok meyong application shitak lidir Screening Committee Members nem screening/ audition agidaksütsü atema parnok den külem shilem agitsü pur co-artistes/performers aser tanga documents ajak bener arutsü temepishiba yoktsü.
19. Grading of Private Cultural Troupes aser Casual Artistes/Individual Artistes/Empanelled Artistes : Screening Committee purtemi screen ser aliba Troupes aser Casual Artistes/Individual Artistes/ Empanelled Artistes purtemi agiba shilemtemji repringdangtsü aser item teloktem nem Gtader "A", Grade 'B', & Grade 'C' ta item yimya nung ya agütsütsü :

1. Private Cultural Troupes/ Casual Artistes/individual Artistes/Empanelled Artistes shirnok marks 100 nung 85 % & tema ngudir, parnokji "A" Grade angutsü.
 2. Private Cultural Troupes/ Casual Artistes/individual Artistes/Empanelled Artistes shirnok marks 100 nung 65 % & tema saka 85 % dang teküpbok ngudir, parnokji "B" Grade angutsü.
 3. Private Cultural Troupes/ Casual Artistes/individual Artistes/Empanelled Artistes shirnok marks 100 nung 50 % & tema saka 65 teküpbok ngudir, parnokji "C" Grade angutsü.
20. Screening Committee-i recommend asüba final asütsü aser iba recommendation nungji ajemdaker Song and Drama Division Director-i shimteta aliba Private Cultural Troupes/ Casual Artistes/ individual Artistes/Empanelled Artistes nem Song and Drama Division nung register asütsü atema approval agütsütsü.
 21. Shilem agirtem tendangbaji parnokji agiba süoshi, oset amshiba, kongki amshiba aser tereprangertem nem angatetdakja yimya tajung agi shilem agibatem ajak nung repringtsü.
 22. Iba sentongtem register süa aliba Private Cultural Troupes/ Casual Artistes/ Individual Artistes/Empanelled Artistes nungertem shirnoki mapang shia Division-i yokba teinyaktsütem shilem mapang shitak nung agiba, mapang shitak nung noksa aser shilem agiba kulitem den tangari tebilemba ashiba ajak dena bill agütsüba maparentem nung shitak inyaka anidaker, parnok nem dang agütsütsü.
 23. Sentong temer külen aser bills aser nüngdakba documents/ certificates ajak agütsür külen shilem agiba atema senji shimteta aliba Grade nem lemzüka aliba agütsütsü.
 24. Sentong agiba asoshi agütsütsü aliba senji Ministry of I & B ajanga lateta aliba jenangaser guidelines nung ajemdaker Song anf Drama Diviision nung register süa alir Private Cultural Troupes/ Casual Artistes/ Individual Artistes/Empanelled Artistes tenüng nung agütsütsü.
 25. Sentong agiba asoshi sen Division-i agütsütsü aliba sen agütsütsüba Song & Drama Division mapa asütsü.
 26. Regional center nung sen aliba jenjang apir Division nung nüngdak repringa shilem agitsü asoshi sentongtem agütsütsü.
 27. Private Cultural Troupes/ Casual Artistes/ Individual Artistes/Empanelled Artistes nung talang nung alirtem dena mapang tatsüka tsüngda anogo 10-15 shi lia osang yoka shilem lemzüksüba ajak inyaksüla.
 28. Teinyaktsü guidelines nung shia aliba ama Screening Committee ajanga dang shilem agibatem repringtsü ta apply süa alirtemi metettsüla. Empanel asütsüba Screening Committee-i screening aser assessment agiba mapang shilem agiba nungi agitsü. Iba dakji alaka empanel asütsü atema tanga kuli kecha magitsü. Anungji, apply süa alirtem dang kija aser teloki empanel sütsütsü nangzükaka, item nemji mashiokdaksütsüla. Screening Committee ya empanel atema shinga nema manidaksütsü.
 29. Kuli kecha magütsüia application agizüksü aser magizüksüji Song and Drama Division nung Director dak tashi alitsü.
 30. Iba advertisement dak aketba tejangja temetetsü ajak tang adokba Employment News, Rozgar Samachar, osangkakettem aser website www.dfp.nic.in nung angutsü. Ano tejangja temetetsü nüngdakra, troupe leniri Song and Drama Diviision, Regional Center den tongtepretsüla.
 31. Prescribed Proforma nung application jungjunga renemer Song and Drama Divison, Regional Center office ket 26th June, 2017 anogo tashi nungbosa atongtsüsa tekalen agüja aliba address nung yokangma.

Date : New Delhi/ 11.05.2017.

Director
Song and Drama Division.

ANNEXURE-I
REGISTRATION OF PRIVATE CULTURAL TROUPE/ INDIVIDUAL ARTISTES (EMPANELLED ARTISTES
WITH SONG AND DRAMA DIVISION
APPLICATION FORMAT

Affix 3 copies of Passport Size photographs of the Leader/Individual Artistes (Empanelled Artistes). Duly attested by the Gazetted Officer/Bank Manager/School Principal/State Govt. Officers/ Officers of any State Govt. Offices/ Undertaking officers.

1. Name of the Troupe/Organisation (in Block letters) _____
2. Address of leader/Individual Artistes with residential proof _____
3. Name & Address of the Leader/ Individual Artistes _____
4. Date of Birth of Troupe Leader/ Individual Artistes _____
(Age as on _____)
5. Father's/Mother's/Husband's/Wife/ _____
Guardians' name _____
6. Educational Background of Troupe Leader/Individual Artistes _____
7. Experience, if any _____
8. Details of performance in the past _____
(Enclosed additional sheets)
9. Type of Performance(Drama/Musical/ : _____
Dance Drama/Puppet/Magic/Folk & _____
Traditional Recital/Mythological Recital/ _____
Composite/any other) _____
10. Language of the performance _____
11. Numbers of Artistes (1) To be appeared before Screening Committee : _____ Male _____ Female _____ Total _____
(2) For Presentation of Programmes after getting registration : _____ Male _____ Female _____ Total _____
12. Nos. Of Women/SC/ST Artistes of Troupe : _____ Women, _____ SC & _____ ST
13. Whether amateur/Professional : _____
14. Name of the Bank and Account No. of troupe, if any : _____
15. Name/Father's Name/Husband's Name/ Guardian's Name, Address, Age of the Artistes (enclosed separate Sheet/ documents): _____
16. Details of the Demand Draft Nos. : DD Nos. _____
Enclosed with the application: Date: _____, Rs. _____
(Rupees _____ Only).
17. Nos. of documents enclosed with the Application: _____
18. Name & Address of two eminent persons: (1) _____
Who could certify about the competence of the Troupe and Leader as well. (2) _____
(Witness by two persons).
19. Whether required character certificates and Other documents of all the Artistes including Leader/ Individual Artistes have been enclosed : _____

I hereby declare that all above statements and documents attached are true to the best of my knowledge and belief.

Dated : _____

Place : _____

Signature of Applicant (Troupe Leader/ Individual Artistes)

FOR TROUPES ALREADY REGISTERED

1. Name of the Troupe _____
2. Name & address of the troupe leader _____
3. Since when the Troupe is registered _____
4. No. of Programme allotted during April, 2013 to December, 2013 _____
5. Nos. of programmes executed/performed _____
6. Nos. of programmes refused/not executed _____
7. Nos. of Artistes changed/dropped after screening _____
8. Category in which Troupe registered _____
9. The Regional Centre of the Division attached/The troupe is attached with _____
10. Enclosed a group photo of the members of the party already furnished. _____

I hereby declare that all above statements and documents attached are true to the best of my knowledge and belief.

Dated : _____

Place : _____

To be enclosed with the application: _____

Signature of Applicant

Sl. Nos.	Name of Artistes/ Leader	Father's/ Husband's name	Address	Whether belong from SC/ST/OBC	Educational Qualification	Religion	Mother Tongue	Nationality	Role in the Troupe
1	2	3	4	5	6	7	8	9	10

Date: _____

Signature of the Troupe Leader

Femina Miss India Nagaland, Kaheli Chophy-i school semdang



Dimapur, May 18 (TYO): Femina Miss India Nagaland, Kaheli Chophy den longjemer CHILDLINE Dimapur-i Dimapur District kübok Nuiland sub division nung Vitoyi Memorial School aser Government High School Nito nung awareness sentong ka agi.

School anaprongla nung tesayur aser kaketshirtem dang CHILDLINE 1098 indang rasaa CHILDLINE counselor Miss Aligha V Yeptho-i ashi. CHILDLINE 1098 ya teküzmükba aser anepalu nüngdaka aliba tanurtem atema

toll free 24x7 helpline ka lir, ta lai ashi. Lai maneni tanurtem dak teimmesüi kongshiba nung ajemdaker jembi. Kaketshirtem dang tangar dak tangshiba yimya nung tajung aser tamajungtem rasaa ashiba den külemi kinunger adianutem den iba osang lemsatepsü asoshi ajungshi. Iba sentong nung CHILDLINE indang inyakyim tali metetdaksütsü asoshi pamphlets tem lemsüi.

Femina Miss India Nagaland, Kaheli Chophy-i, Femina Miss India 2017 project "beauty with a

purpose" nung ajemdaker kaketshirtem dang kaketshisatsü koda tongtibang, iba indang rasaa ashi. Lai tesayur aser kaketshirtem den sensaksema liasü aser maneni tepelaba lemsatepa school anaprongla nem nanglong aser wall clock agütsü.

Vitoyi Memorial School aser Government High School Nito nung headmaster Inoka Yeptho aser Basoyemyong Chang-i CHILDLINE Dimapur aser Kaheli Chophy-i parnok semdangba atema parnok dang pelaba lemsatepa liasü.

Soundgarden nung kentener Chris Cornell süogo

May 18, 2017 (Agencies): Rocker Chris Cornell shiba 'Soundgarden' aser 'Audioslave' nung kentener ajanga nüngtugu aküm, pa arishi küm 52 nung süogo, ta pa otongdari ashi.

Cornell ya kentener sentong ka nung shilem agia tesenzüdak nung Bodhbar aonung Detroit, nung asü, ta Brian Bumbury-i osangbener dang ashi.

Bumbury ashiba agi, Chris ajungbena meyimlai aliba mapang ka nung asü. Par kinunger aser pa kinungtsü iba osang angashia kanga aoksa, ta paisa ashi.

Osang ajanga ashiba agi, pa asüba bushisüngdangba nung medical examiner den par kinungeri teka amteper inyaksü aser parnok meinperong masütsü asoshi mepishe.

Cornell ya kanga dang kentener tajung ka liasü aser 1990s mapang 'grunge movement' mapang kentener tem rongnungi tajungtiba ka liasü. Soundgarden ya Seattle tesem nungi adokba

kentener telok rongnung nüngtugutiba rongnung ka liasü aser parnok ya Nirvana, Pearl Jam aser Alice in Chains nung den yongrü ka nung züngoksem.

1984 küm Cornell-i anir guitarist Kim Thayil aser bassist Hiro Yamamoto nungeri iba telok tentet. 1991 küm sayaba 'Soundgarden' pur kensep tasembuba Badmotorfinger nung ken 'Jesus Christ Pose', 'Rusty Cage' aser 'Outshined' nung ya kanga nüngtugu küma alternative rock radio station tem nung teti yoka liasü.

Pearl Jam mekümtet dang iba telok nung züngsemtem den Cornell-i 1991 küm 'Temple of the Dog' kensep atema külemi inyak. Iba kensep ya 'Mother Love Bone' kentener telok nung kentener Andrew Wood nungtem nung adoktsüba kensep liasü.

Küm asem sülen 'Soundgarden' pur kensep 'Superunknown' sayaa liasü. Iba kensep yagi Billboard 200 nung mezüngbuba jenjang

tongtet aser 1995 küm Best Rock Record atema Grammy nung nominate asü. Iba kensep nung nüngtugu kentener rongnung Spoonman, Fell on Black Days, Black Hole Sun, My Wave aser The Day I Tried to Live nung liasü.

Parnok telok yongtsü nung mangatetep adoka 1997 küm Soundgarden pur loksa. Iba sülen pa Audioslave nung aden. Iba telok nung taoba mapang 'Rage Against the Machine' nung züngsem Tom Morello, Brad Wilk aser Tim Commerford densema liasü. Iba telok ajanga küm 6 tsüingda nung kensep 3 sayaa liasü. Audioslave pur 2007 küm lokshia ao saka 2012 küm Cornell Soundgarden den tanaben longjemshi aser parnok kensep 6buba 'King Animal' saya.

Kentener den külemi Cornell-i tanur ki maker, sendokadoker alirtem aser sensak tia nung alirtem yaritsü asoshi Chris & Vicky Cornell Foundation ka tenzüik.

Samsung Z4 sen jenjang 5,790 yong sayaogo

May 18, 2017 (Agencies): Samsung Electronics Co., Ltd.-itanü Samsung Z4 sayaogo aser Samsung Z4 ya India nung mezüngbuba shishilembadak ayoktsü.

Samsung Z4 nung editing option tem; beauty mode, live filters aser profile template densema tesülen camera 5-megapixel aser tejaklen camera-a 5-megapixel ta keta lir.

Maneni tejaklen camera nung LED flash aser tesülen camera nung dual-LED flash keta lir.

Samsung Z4 nung ano 2.5D glass den 4.5-inch front display aser tesülen cover phone shia atema tanak aser hon sentsü nung kaka agütsütsü.

Iba smarth phone nung 1.5 quad core processor, 1 GB RAM, 8 GB internal memory keta lir koba 128 GB tashi atsülangtetsü.

Samsung Z4 nung battery tashi 2015 mAh lir aser iba nung Samsung meyong 'Ultra Power Saving mode' densema lir.

Iba phone ya Z series nung

4buba lir aser iba ajanga feature phone amshirtem atema jenjang temela nung smarthphone melen amshtsü asoshi maongka agütsür.

Samsung Z4 series tem nung India indang app; 'S bike mode' aser 'My Money Transfer' amala densema lir. Iba den külemi Samsung Z4 ajanga 4G VoLTE service tem agütsür. May 19 nungi tenzüka Samsung Z4 sen 5,790 yong India tesem ajunga nung mobile store tem nung angutsü.

British Prison tem nung Anti-Drone Dome inoktsü

May 18, 2017 (Agencies): British prison ka nung anung ajanga shibelenba mapa inyakba nokdangtsü asoshi anti-drone technology amenoktsü, ta iba jail governor-i Mongolbarnü osangbenertem dang ashi.

Jail-i mobile phone, ozüing alema amshiba temesepba mozü aser hadir balala shibelenba nokdangtsü asoshi, Guernsey, Channel-i "invisible dome" ka prison kolak nung anemoktsü, ta governor David Matthews-i ashi.

"Jail governor tem aika drone tem dak sendakba nung timtemdar. Tebilemstüji drone ji metsükok tashi drone senzüdar ta mejangjar, anungji iba ajanga kwiben osettem belenar aji mejangjar," ta paisa ashi.

'SkyFence system' tasenba July tatem tashi nungbo mapa küma inyak tenzüiktsü.

Drone Defence ngutetsang, Richard Gill-i ashiba agi, iba techonology tasenba ya tang mezüngbuba amshitsüba lir. Par company ajanga iba system yangultet.

SkyFence ajanga drone senzüba metetra 'disruptive

electronic fence' ka activate sütsür koba ajanga jail ajak 'dome' ama amokbanger, ta Gill-i ashi.

"Iba fence ajanga ali nung aliba drone amshisang dangi drone ajanga command video signal yokbatem nung meinperong agütsür aser iba ajanga operator temi blank screen ka dang angur aser dron azüoktsü asoshi mekoki akümer," ta pai osangbenertem dang ashi.

Tesem ka tasazük dak ajemdaker iba system jenjang ya £100,000 (\$129,000, 117,000 euros) nungi £250,000 tashi lir.

Taoba ita British sorkari jail-i drone tem yimoka aitba nokdangtsü asoshi prison aser police officer tem densema telok tasen ka kümtetsü asoshi sangdonga liasü.

Drone dak sendakba nung nisung aika jail-i yokogo. Mongolbarnü north-west London, The Mount prison-i cocaine, ganja aser mobile phone tem drone ajanga shibelenba atema nisung ana jail nung puokogo.

Arishi küm 59 tain, Reema Lagoo süogo



New Delhi, May 18 (Agencies): Bollywood actor tejen, Reema Lagoo temolungjang agi mapa meinyaki Bresthibar anepdang yakda süogo, la arishi küm 59 liasü.

La asüba osang ya lar jala kinungbo, Vinay Waikul-i metetdaksü. "La junga dang liasü aser nikonngang 1:00 ako meta la teku ashiba ajanga mozü ki-i anir ao aser la temolungjang-i mapa meinyaki anepdang 3:15 ako nung asü," ta Vinay-i ashi.

La ya Mumbai nung aliba Kokilaben Dhirubhai Ambani Hospital nung asü. La den asüpila sentong ka Bresthibarnü agiogo aser iba sentong nung lar kinunger, medemer aser film industry nungi nisung aika arua aden. Iba asüpila sentong Aamir Khan, Kajol, Rakesh Bedi aser Viraf Patel nungera arua aden.

Bresthibar anepdang Ato Kelonser, Narendra Modi, actor Amitabh Bachchan, Akshay Kumar, Rishi Kapoor, Mahesh Bhatt aser film yanglur, Karan

Johar nungertemi Reema Lagoo asüba osang den asü khu lemsatepa social media balala nung prokshi.

Lagoo ya Maine Pyar Kiya, Aashiqui, Saajan, Hum Aapke Hain Koun, Vaastav, Kuch Kuch Hota Hai aser Hum Saath Saath Hain film dem nung tetsü ka ama shilem agia lir. La ya tang Mahesh Bhatt indang 'Naamkaran' show ka nung shilem agiba mapang ka nung iba tia ajuru.

La ya Marathi stage actress Mandakini Bhadbhade'er jala lir, la tanur asüandang la tenung ya Nayan Bhadbhade liasü. Lai Qayamat Se Qayamat Tak film nung Juhi Chawla tetsü ama shilem agi aser iba mapang nungi la sabur aika küma la nüngtugu actress ka aküm.

Reema Lagoo-i 'supporting actress' telemsa nung Filmfare Award pezü ngua lir. Reema Lagoo ya Marathi actor, Vivek Lagoo den kibong akum aser khen lir bala. Tena jala, Mrunmayee lir aser la ya actress ka lir.



Dhemaji, May 18, 2017: Ato Kilonser, Narendra Modi-i Indian Agricultural Research Institute - Assam Centre atema lung azungtsüba sülen Brihostibarnü Gogamukh, Dhemaji district nung Agriculture & Farmers Welfare Union Minister, Radha Mohan Singh aser Assam Agriculture Minister, Atul Borah nati Indian Agricultural Research Institute - Assam Centre amenoktsü atema senden ka ayonga amenba noksa nung angur.

Pakistan-i Kulbhushan Jadhav tepsettsü makok: ICJ


New Delhi, May 18 (Agencies): Brihostibarnü International Court of Justice (ICJ)-i, parnoki tatembang telemtetba ka magi tashi Pakistan linüki India senso, Kulbhushan Jadhav metepseti atatsüla, ta tuyuogo. Jadhav dak sendakba ken o nung India-i ICJ nem temepishiba ka agüja liasü. Tanü ICJ Tir, Judge Ronny Abraham-i, iba ken o nung tatembang telemtetba ka magi tashi Pakistan-i India senso Jadhav metepseti atatsüla, ta metetdaksü. Taoba ita Pakistan nunger military court kati Jadhav tasüba agi merenshitsü atema

obendang agüja liasü. Iba sülen May 8 nü India-i ICJ dang Jadhav nem tasüba temerenshi agütsütsü obendang agütsübaaji sota atatsüla, mepishi. Taoba mapang Navy officer, Jadhav ya 2016 küm March ita nung Balochistan nung apu, ta Pakistan-i ashi. Ajsüaika India-ibo Jadhav ya pa Indian Navy nungi anisüngzükba sülen pa mapa inyakba linük, Iran nung Pakistan-i apu, ta ashir. Pai itangiter mapa inyak aser linük anema inyakogo, ta aija taküm April 10 nü Pakistan nunger military court kati pa nem tasüba temerenshi agütsütsü obendang agüja liasü.

Tanü ICJ-i tetuyuba agütsüba ya Pakistan-ibo magizükteti, iba ken o nung parnoki ano kuli aika agütsüsemtsü, ta shiogo. Pakistan Foreign Office otongdar, Nafees Zakaria-i, "Linük security dak sendakba nung International Court of Justice-i tiyongtsüi aitbaji Pakistan-i magizüker. Onoki court nem Jadhav anema ano kuli agütsüsemtsü," ta ashi. India aija pai, "India indang chichiba melungsenttsüji alima matsüngdang jungkai adoktsütsü. Jadhav-ia pai aibelenba, kiralongraba aser tashishitsü mapa inyakba nangzükogo," ta ashi.

Union Environment Minister Anil Madhav Dave süogo

New Delhi, May 18 (Agencies): Brihostibarnü Union Environment Minister, Anil Madhav Dave temelungjang tashidak agi alima nungi pilaogo. Pa arishi küm 61 liasü. Tanep pa par kidang temang mejungi akumba sülen AIIMS-i anir ao, saka mekümzükteti asü. 2009 küm nungi Dave ya Rajya Sabha züngsem ka liasü aser 2016 küm pa Minister of State (independent charge) of environment, forest & climate change atema tenangzükba agia liasü. Pa ajungbena asüba osang angashia Tir, Pranab Mukherjee-i mangyim jashi lemsatepogo. Tiri twitter ajanga, "Union Environment Minister, Anil Dave ajungbena asüba



osang angashia aoksar, par kibong den ni mangyim lemsateper," ta ashi. Ano Ato kilonser, Narendra Modi-ia, "Kü tembar aser akhümtsüba aliba kulem tenzüker, Environment Minister Anil Madhav Dave ajungbena alima nungi pilaba osang angashia aoksar aser mangyimer," ta ashi.

Modi-isa, "Anil Madhav Dave ji nübur nendaka tenzüker ka liasü, ta bilemtettsü. Alima kümzüka ayutsü atema pai kanga nendaka inyak," ta ashi. Paisa, "Yasüng tashi ni Anil Madhav Dave den tongtibang onüktem lemsatepa liasü. Pa asübaji kü kija sasep atema-a takoksa tulu," ta ashi. Ano Union Finance Minister Arun Jaitley, Union Information & Broadcasting Minister M. Venkaiah Naidu, Goa Chief Minister Manohar Parrikar, Congress Tir, Sonia Gandhi aser BJP Tir, Amit Shah nungeria mangyim osang lemsatepogo. Environment, Forest and Climate Change Ministry ya Union Minister Dr. Harsh Vardhan-i repsema abentsü.



New Delhi, May 18, 2017: Brihostibarnü New Delhi nung 'Mutual Legal Assistance Treaty (MLAT) in Criminal Matters' senden nung Additional Secretary, MHA, Bipin Mallick leniba nung India ketdangsertem aser General Counsellor, FPS Justice, Steven Limbourg leniba nung Belgium ketdangsertem senden amenba noksa nung angur.

GST rates latetogo; jang dalangba akümtsü, mamatzü nung saru malitsü

New Delhi, May 18 (Agencies): Brihostibarnü GST Council-i goods & services tax rate tatem küma latetogo; anogoshia nungdakba chiyungtsütem nung saru shilem 5 dang asütsü. Union Finance Minister Arun Jaitley leniba nung GST Council nung state ajak nungi züngsemtem lir, aser iba council anogo ananü senden tanü mezüng amendang Goods and Services Tax (GST) ozüngtem agizükogo, aser ibaji July 1, 2017 nungi tenzüka mapa küma inyaktsü.

Council-i Goods & Service tax kübok items (oset/ chiyungtsü) 1200 dak tema indang rate latetogo. Tanü Srinagar nung senden amenba sülen osangbenertem den jembidang Union Finance Minister Arun Jaitley-i, "Items 1,211 nungi telemsa trok dak alaka tanüngba items ajak nung GST lemtetogo," ta metetdaksü. GST kübok rates ji shilem 5 nungi shilem 28 tashi alitsü, iba den standard rates ji shilem 12 nungi shilem 18 tashi lir. Goods shilem 19 nungang saru shilem 18 dak tema lir aser items shilem 81 bo saru shilem

18 dang nungi tajemba lir. Jang aser menjang jenjang dalangba akümtsü, cereals aser mamatzü nungbo saru malitsü, saka shini, süngojok, coffee aser tachila totzü nung saru shilem 5 alitsü. Ano koila nung saru shilem pongu alitsü aser ton shia nung saru sen 400 asütsü. Kou totzü, sapon aser tepo meyuba mozü nung saru shilem 18 asütsü. Hokolbarnü Council-i hon aser tanga items nung saru shilem latettsü, nungdak dang süra ano senden amentsü.

GST ya linük saru ka lir aser ibaji goods mesüra service balala nung agitsü. 1954 küm France linüki mezüng GST ya mapa küma inyaka liasü. Iba sülen Germany, Italy, UK, South Korea, Japan, Canada aser Australia densema linük 12 dak temai GST ya mapa küma inyakdar, aser India-a item linüktem rongnung densemstü. 1994 küm China-i aser 1991 küm Russia-i GST mapa küma tenzüka liasü. Ano Saudi Arabia-ia sangküm nungi GST mapa küma tenzüksü sentong lir.



Ranchi, May 18, 2017: Brihostibarnü Ranchi nung JVM Party-i ayonga longkak aitba mapang Police-i JVM nung inyakertem apuba noksa nung angur.

BJP, Cong, AAP dang bendanglen nungi senotsü aruba osang meshir

New Delhi, May 18 (Agencies): Centre-i Bharatiya Janata Party (BJP), Congress aser Aam Aam Party (AAP) dang bendanglen nungi senotsü tenla aruba osang meshia liasü, saka osang magütsüba yong ano parnok nem anogo 15 züngzüktsüogo. Ministry of Home Affairs (MHA)-i item party tem dang, bendanglen nungi party dangi senotsü aruba osang tejangja May 16, 2017 nü tashi nung agüjang, ta metetdakja liasü, aser maneni parnok nem ano anogo 15 agütsüogo, ta home ministry otongdar kati metetdaksü. Yimtenren party temi

Foreign Contribution Regulation Act (FCRA) ozüngtem nung aibelenba jangjatsü atema kümshia party tem dang iba osang ya meshir. Iba dak sendakba nung AAP-i, Centre sorkari yimtenren nung parnok anema inyaker, aser iba ya democracy asoshi kanga lendong lir, ta aitsü. AAP sangdong ka ajanga, "Iba ya yimtenren nung party anema inyakba mapa ka lir. Centre sorkar tetuyuba nung agency ajaki Aam Aadmi Party, Delhi sorkar aser minister tem anema inyaker, aser iba ya democracy atema kanga lendong lir," ta ashi.

Kibong akümtsü mechi Japan indang Princess Mako jenjang samatsü

Tokyo, May 18 (Agencies): Japan nung yimsüsür kibong nungi Princess Mako-i la indang 'royal' jenjang doktsür kicha jenjang makaba nisung (commoner) ka den kibong akümtsü.

Japan Emperor, Akihito'er semchir tantsüla, arishi küm 25 tain, Princess Mako ya 'law firm' ka nung mapa inyaker arishi küm 25 tain, Kei Komuro den kobong akümtsü. Tena ya school azüngba mapang ajurutepba lir.

Japang nung yimsüsür temzüng nung aliba agi, Princess

kati 'commoner' ka den kibong künnüra lar 'royal family' doktsüsüla.

Iba ajanga Japan nung chuba menden melentsü asoshi atsütep tenzüksü, kechiyong dang Japan indang chuba ya menden nungi kobi melie alutsü lir.

2012 küm Princess Mako aser Kei Komuro-na ya 'restaurant' ka nung ajurutep aser iba mapang tenaprong Tokyo nung aliba International Christian University nung zünga liasü.

Japan nung tourism ajungkettsü asoshi Komuro ya

khen "Prince of the Sea" ama mapa inyaka liasü.

Princess Mako aniasüngba sentong yangluba mapang ka lir, ta Imperial Household ajanga osangbener dang ashi.

Sempet agütsüba sentong ka agiba sülen ang iba aniasüngba ya official akümtsü, ta osang ajanga ashi.

Public broadcaster NHK ajanga ashiba agi, tena kiyimba sentong ya taruba küm agitsü südi.

Princess Mako indang tetstüantsü, Princess Sayako ya

2005 küm 'commoner' ka den kibong aküm aser la ya Japan nung yimsüsür kibong nungi mezüng 'commoner' ka den kibong akümba liasü.

Princess Sayako kibong akümba sülen takdang ka aliba ki ka nung la kinüngbu tena ali aser lai gari anitsü, shishilembadak tesem nung oa shishilembatsü aser oset balala alitsü angazük.

Arishi küm 83 tain, Emperor Akihito-i pa tain akümba ajanga iba menden doktsünür, ta taoba küm August ita nung shia lir.

Japan nung küm 200 tsüngta

chuba shingaiya menden doktsüba otsü mali aser ibaji temzüng agi memelar, saka tang Japan nung chuba menden doktsüsü asoshi temzüng melenshitsu atema inyaktepba mapang ka lir.

Japan nung chuba'er jabaso-i dang tebu melentsü ozüng nung lir aser iba ajanga Chrysanthemum Throne nung amentsü atema Akihito'er jabaso, Crown Prince Naruhito aser Prince Fumihito, Prince Hisahito (Fumihito'er jabaso) aser Akihito tenu, Prince Masahito nungertem lir.

Ex-PARLIAMENTARIANS ASSOCIATION OF NAGALAND

Workshop on ULB vis-a-vis Art. 371 (A)

Chief Guest : Dr. Shürhozelie Liezietsu
Hon'ble Chief Minister, Nagaland

Date : 20th May, 2017

Arrival Time : 9:30 am

Venue : Capital Convention Centre (Opposite, Civil Secretariat)

SESSION - I

10:00 AM

- Chairman : Mr. Medokul Sophie
Gen. Secy. Ex-PAN
- Invocation : Rev. Kuzierang Thou
State Chaplain
- Welcome Address : Mr. T. Khongo
President, Ex-PAN
- Speakers : i) Justice H. K Sema
Supreme Court Judge (Rtd.)
ii) Justice Zelre Angami
High Court Judge (Rtd.)
- Voluntary Speech (5 Mins) :
- Speech : Chief Guest
- Vote of Thanks : Dr. Chumben Murry

Lunch : 12:30 PM

SESSION - II

01:00 PM

- Moderators : i) Mr. Asu Keyho
ii) Dr. Nihoshe

* Discussion Hour

INCHARGE

1. RESOLUTION
 - Mr. Z. Lohe
 - Mr. Takatiba Masa
 - Mr. Sulanthung Lotha
2. MANAGEMENT
 - Mr. Seyiekuolie
 - Mr. Asu Keyho
3. INFORMATION & PUBLICITY
 - Dr. Chumben Murry
 - Mr. Atovi Sema
 - Mr. Shingnyu

Issued by: DIPR

Israel 'settler' kati Palestinian nung longkak aiter ka kahset

Jerusalem, May 18 (Agencies): Tepuokdak alirtemi chi mechiyongi longkak aitba busema Palestine nung arishi küm 23 tain ka longkak aitba mapang 'Israeli settler' kati kahset.

Brehostibarnü Huwwara yim nung aliba 'military checkpoint' ka anasa longkak aiter dak iba 'settler'-i injang khaloktsüba mapang asanguba ya injang agi yiru aser mapang talangka melie asü, ta Palestinian health ministry ajanga ashi.

Iba 'checkpoint' anasa longkak aita aliba telok ya ajanga gari nung 'Israeli settler'-i aotsü merangba mapang parnok raratep aser iba mapang Israel mitkartem aser 'settler' temi injang khaloktsü, ta Palestine mitkartemi osangbener dang ashi.

Palestine nungba tasüsang ya Nablus anasa yimtsüng ka nungi Mutaz Bani Shamsa, ta jangjaogo.

Taküm küm Israel mitkar aser 'settler' temi Palestine nung 22 tepsetogo aser item tasür rongnung parnok 7 bo tanur lir.

Palestine nung osangbener, Majdi Eshatyya-a iba lendong nung injang agi yiru aser pa Rafidia hospital-i anir oa yaridagi.

Mutaz Bani Shamsa

kahsetba ya Israel nung mitkar indang odongtar katia jangjashitsuogo.

"Palestine nungertemi Israel nung indang gari nung long agi aon tenzüc aser iba mapang mitkar aser 'settler' temi anüing nung injang khaloktsü. Iba lendong nung nisung ka asü aser ka yiru," ta lai ashi.

Tepuokdak alir busema Ramallah tesem anasa aliba Nabi Saleh yimtsüng nung taoba hopta longkak aitba mapang Israel mitkartemi arishi küm 20 tain, Saba Nidal Obaid kahset.

Palestine nung 'political prisoners' longkak aiter 1,300-shi Israel ketdangsertemi tepuokdak asem-i Bodhbarnü belenshiogo, ta Palestine ketdangsertemi ashi. Iba longkak ait tenzüker Brehostibarnü anogo 32 jungogo.

Israel settler temi West Bank den East Jerusalem nung densema 2016 küm 107 ben amak aser taküm-a 46 ben amak ta UN indang Office of the Coordination of Humanitarian Affairs (OCHA) ajanga ashir.

Shamsa mekhasetdang Israel settler temi Palestine nung civilian, Youssef Abu Bakr dak Huwwara tesem anasa züka merenshi, ta osang ajanga ashi.



Paris, May 18 : Paris nung aliba Elysee Palace nung 2017, May 18 anogo France tir, Emmanuel Macron (achichilen tanabuba), aser Ato Kelonser, Edouard Philippe (abelen) den tang minister tasen shimteta alirtem mezüng cabinet senden amenba mapang tangokba noksa nung angur.

Regional party ...

(TAPAK 1 NUNGI...)

Nagaland Pradesh Congress Committee Tir, K. Therie aser AICC Secretary Nagaland In-charge, Dr. Jayakumar nati, NPF ji NPF left aser NPF right ta lemsaogo ta jembiba dak sendakba nung Kikon-i, NPF left mesüra right ta mali ska Tir, Dr. Shürhozelie leniba nung NPF ji ka dang lir, ta ashi.

Ano NPF tatong Tir, Zaku Tsukru-ia, DPP tentetba ajanga NPF nem anisüngzük bener arutsüogo, kechiyong iba party tentetertemji tangar masü saka kecha nunga sabang mangurtem lir, ta ashi.

Pai ashiba agi, parnok nükjidong aser alizüngtemji reprangdangra, kecha tasen mali, parnoki NPF ticket mangutsü ta meteta party tasen tentet.

NPF Farmer's wing Tir, Lanukaba-ia, "NPF ya tzülu ka mesüka lir, kodanga makonger, ajisüaka party tasenba, DPP ji arem chirepba alu ka mesüka alitsü, ibaibo küm ka mesüra ana dang taküm alitsü," ta ashi.

MEYIPA AGIR

May 11, 2017 nü Mongsenyimti yimji Mopungchuket nungi Noklangji-i anir lua aküm ta adoktsübaji meshidak ta ashir, anungji iba oji ni meyipa agir.

Sd/-

Mrs. Meyisongla
Rtd. Dy. Director
Nursing, Nagaland

ADMISSION OPEN

**Amokmulu Girls Hostel
Fazl Ali College
Mokokchung, Nagaland**

- ◆ Walkable Distance to College
- ◆ 24 hours running water
- ◆ Bathroom and Toilet Attached
- ◆ Provide Spiritual mentoring and personal counseling

For more details

Contact: 8974202325 / 8257913810

Anogo 17/05/2017 nung Tir Yimyim adok 208 nung "METETDAKTSÜR" ta zülua alibaji yamai metongshitsür. "Waromung nunger Lt. Karchang & Lt. Sangtemyangla tena jala Ngangshitula, lai kija aser telok shirdangsa sen apuba, ali ayokba, mortgage asüba kardanga lira, itemji kinungertemi memetet aser item khuretji kinungertemi mabentsü" ta metongshitsür.

Sd/-

Mayang

Lt. Karchang Family member

Sd/-

B. Meren

Waromung Village

GIDEON BOYS HOSTEL

NEAR PUBLIC COMMERCE COLLEGE, RAILWAY AUTO STAND, DIMAPUR

ADMISSION CLASS 8 - 12**Lanur Missionary kati lapoka amshir**

Iba Hostel nungi PCC, Pranab, Salt Christian College, CHSS aser City College tashi tetsüng agi dang senzütetsü.

CONTACT : 8575662210 / 8974443847

**OFFICE OF THE
LONGKHUM VILLAGE COUNCIL**MOKOKCHUNG: NAGALAND
TENÜNGSANG AGÜTSÜR

Longkhum Putu menden-i Government High School nungi 2017 küm HSLC tatidang nung takok tulu den school nem nüngsang bener arutsüba atema ajak dang kanga pelaba lemsateper.

Miss Kikanaro Imchen 2017 NPSC Tatidang PGT (Class II Gazetted) nung takok anguba asoshi kanga pelar. Ano Longkhum nunger kwikati HSLC aser HSSLC nung takok nguogo, ajak dang kanga pelar aser tarutsü nenok wadang nung takokba süjang ta onok sarasadem.

Sd/-

I. Sendonglemba
Chairman

Sd/-

Toshi Longchar
Secretary**ASÜR AOAKUM OZUKUM TENÜNG NUNG
PELABA METETDAKTSÜR**

Onoki meimba asür **Aoakum Ozukum** (Mongsenyimti), shirang yipten nung alidang nungi teti asoshi amuzüka aoba mapang (9th May 2017) tashi Doctors, Nurses (IMDH) aser kija, kibong, lokti tentet, yimten aser tenzüker kwikati pa atema sarasadem, nübu aser rongsen tenla aser talisa pa azü nüngdaka akümdang nenok senti azüa menungnangi tenlaogo, nenok ajak dang onok mulung taroktiba nungi o agi rasaa meshitetba tepela lemsateper. Onok ammag agi subanger alidang nenok kwikati onok semdanga yaritepogo, nenok ajak dang kanga pelar.

Metetshi melitet nung I. Meyionen, Director & Deputy Inspector of Police, Vigilance & Anti Corruption Police, pa den külem Sorkar tenzüker officers aser staff Vigilance Commission danga kangasa pelaba lemsateper.

Nenok temeim mapatem onok mulungjang nung teti maidoki alitsü. Tsüngremi nenok moajang ta sarasademtsür.

- Temeim Kinüngtsü, Chirnur, Tsürabur, adianu aser Kinüngertem ajaki pa tenüng nung iba salem abener.

MENUNGRAA BILEMTETER

19-5-16

T. Nokpang Jamir, Retd. Teacher

Nai iba tobur tajung lima nungi onok toktsür or tanü küm ka abensaa aruaka, onoki na maneni bilemtetera menungraa amunger. Na akümlü nung alidang nai teti jembia aliba kotak yimti nung nai jangraba aser meimba kentem tena na Yisu den pelaa alitsü ta onok tamang sarasadem. Onoki amanger, kotak lima nungi naia onok repranga alitsü ta imlar. Na akümlü nung alidang onok asoshi kechisa tajung inyaka toktsüogo item manung onok anogoshia jangratema aser anisüngzüka alidang onoki teti na bilemteter. Onoka kodang akümlü wadang tembangdir tatem makaba kotak li nung na ajurutsü imlar.

- Nai toktsür aoba kinüngtsü, chirnur, Semchisemnur & Kinüngertem.

**OFFICE OF THE
DIMAPUR MANGMETONG SENSO TELONGJEM**

Dimapur, Nagaland.

TEPELA TENÜNGSANG AGÜTSÜR

Government High School Mangmetong lapoker küm 5 tashi HSLC tatitang agia arudang takok tulu nguteta aruba asoshi Mr. I. Toshi Kichu H/Master pa lenisüba nung pa den külem inyaker Mr. Imkong Pongen A/Head Master-i anir par tesayur tem ajak dangi tepelaba tenüngsang Dimapur Mangmetong Senso Telongjem ajanga agütsür.

Headmaster ajanga school yimsüsüba maparen nung tesayurtemi tashi anga-a meranga inyakba agi HSLC tatitang NBSE-i agiba nung takok tulu taginüba nükjidong tongtetogo ta tepelaba sangdonger.

Tesüba küm 5 tsüngda HSLC result nung takok angurtem yamai lir : 2013 - 90% 2014 - 100% 2015 - 100% 2016 - 100% 2017 - 100%

Yamaji takok agur studentsji ano 1st & 2nd Division jenjang angur timba liasü, talisa Ms. Medeminla D/o Aotemjen Imchen, lai Inv.Edn subject nung distinction mark 2017 küm ngutetogo.

Ano Mr. Limasangba Aier shiba mezüng Headmaster ka ama kasa school nung inyaka liasü, pai school inyakbayim, tesayuba mapa junga lateta yutsü nung pa nem tepelaba tenüngsang agütsür.

Sd/-

A. Mayang Imchen.
President
DMST, Dimapur.

Sd/-

Watimongba.
Gen-Secy
DMST, Dimapur.

TATOK MESHIR

Ni Imlikaba Lkr-i nenok nisung aikadang Tsüngrem tenüng teyazü nung amshia nenok rongsen, nebu aser temeim teyari agioko. Talisa kü nija mapa atema Tsüngrem wadang nung inyakba lokdi nungi sen teyazü nung meshia amshio. Kü mapa tamajung ajanga nenok kwika dang tejashi aser takoksa bener arutsüogo, kü dang yimlibilema tatok agüjang da mepishir.

Sd/-

Imlikaba Lkr.

RAINBOW COACHING CENTRE

MOTTO: "Learn to Lead" ★ ESTD. 2006. Dimapur Nagaland.

Admission Notice**Special Coaching Class For:**

CL-10, CL-12 (Arts) & CL-12 (Science) ★ 24 hours running water ★ Hygienic food, Maintain strict attendance. Monthly test and performance exams.

98% passed result 2017.

Hostel for both Boys & Girls.

- ★ Good study environment
- ★ Parental guidance
- ★ Spiritual awakening programmes.

NB: Hostel seats available for Regular students. Walkable distance to many colleges.

For details contact: 03862-248524 (0) 9856857778 / 9862700227

**J.N. AIER COLLEGE**

'C' Khel, 4th Mile Diphupat, Dimapur : Nagaland
E-mail : jnaoprincipal@gmail.com

CLASS STARTS FOR B.A. 1ST SEMESTERON 31ST MAY, 2017.ADMISSION GOING ON FOR B.A. 1ST SEMESTER 2017.

FEW SEATS AVAILABLE

SUBJECTS OFFERED :

HONOURS : ENGLISH,
EDUCATION,
SOCIOLOGY,
POLITICAL SCIENCE

GENERAL : ENGLISH,
ELECTIVE ENGLISH,
EDUCATION,
SOCIOLOGY,
POLITICAL SCIENCE,
HISTORY

HOSTEL ATTACHED FOR BOTH BOYS AND GIRLS

Contact: 9856554744, 7005255141

Mayweather den tsüngteptsü asoshi McGregor-i deal sign süogo



Mayweather

McGregor

May 18, 2017 (Agencies): American boxing champion, Floyd Mayweather aser mixed martial arts champion, Conor McGregor na tsüngteptsü asoshi mapang talangka nungi olulu jembia arudar.

McGregor-i iba asaya asoshi deal ka sign asüba sülen iba asaya asangsang nung asayatsü asoshi maparen tesadang kabo renema aruba osang Bodhbar aonung metetdaksü.

NBA Eastern Conference Final mapang osangbenertem den jembidang UFC tir, Dana

White-i iba osang metetdaksü. "McGregor tsütsü iba asaya asoshi maparen ajak tembangogo aser ni Mayweather tsütsü maparen inyak tenzükogo. Shilem kabo tembangogo aser Mayweather den deal ka yanglutet nungbo iba asaya ataloktsü," ta White-i ashi. McGregor-ia iba osang jangjatsüogo.

"Iba otsütsü contract nung mezüngbuba aser tongtibangtiba maparen tembanga sign süogo. Onok joko Al Haymon aser pa boxer

signature dang adar," ta osang ka ajanga metetdaksü.

Arishi küm 28 tain McGregor ya UFC mixed martial arts nung pay-per-view draw nung nungtugutiba lir. Kasa mapang nung arishi küm 40 tain Mayweather ya 49 ben asayaba nung khen danga tamakok mongoi tsüngtepba nungi 2015 küm anenba record bena lir. Dena ita aika oa agi kanga mejungi jazüktepar.

Dena asaya mixed martial arts yimya nung masü saka boxing asaya dang asütsü.

FIA nung India nunger züngsem Vijay Mallay sa asütsü

New Delhi, May 18 (Agencies): Tangar dang sen apuba memonoktetba ken o nung tanga linük nungi India-i anir arutsü liaka alima nung Motorsport tentet tuluba, International Automobile Federation (FIA) nung India nungi züngsem ji Vijay Mallay sa asütsü.

Ken o aika aliba ajanga India nunger motorsport tentet, FMSCI nung memendenbuba liasüba mapanungi anendaktsüaka FIA nungbo India tenüng nung Mallaya sa alitsü.

Aji saka Mallay indang passport meyiba meshiba sülen

FIA senden aser World Motor Sport Council indang senden ajunga nung FMSCI deputy chairman, Vicky Chandhok-i dang shilem agia senzür.

Tetsüng pezü aketba gari asemtepba nung FIA telok ya temaba aser tetsüng ana aketba gari asemtepba nung FIM ya temaba telok lir.

"FIA nung züngsem asütsü asoshi nisung ka küm asem atema shimer. Parnok indang tatakzük küm asem 2018 nung ajungba sülen ang tasen shimtsü. Onoki Mallay mesüra Vicky ya tang melenra, World Motor Sport Council nung menden mangutsü aser ibaji


India nunger motorsport atema majung," ta FMSCI tir, Akbar Ebrahim-i ashi.

"Ibaji dang masü, Vijay aser Vicky-na FIA nung aliba ajanga asenok ajangzük. Denaprong ya FIA den tesendaktep tajung lir," ta paisa shisem.

Mallya ya 2016 March ita nungi UK nung liaka, pa indang Formula One telok, Force India bo kanga junga takok ngua arudagi.

2016 küm par telok ya jenjang pezübuba nung tembang aser 2017 küm-a kanga junga shilem agia ponguben toktepba nung points 53 ngua lir.

Italian Open nung Venus Williams Quarterfinal-i iogo



Rome, May 18 (Agencies): Brehostibarnü Venus Williams-i jenjang pongububa nung alila, Johanna Konta den asayaba nung 6-1, 3-6, 6-1 agi koka Italian Open quarterfinal-i iogo.

British No. 1, Konta aser

Venus Williams-i quarterfinal nung tang Italian Open marok bena alila, Garbine Muguza mesüra Germany tsür, Julia Georges den asayatsü.

1999 küm Rome title abenla, Konta-i tanabuba set akok saka lai tasembuba set nung junga asayatsü maongka monguteti iba asaya tembang.

Venus Williams-i quarterfinal nung tang Italian Open marok bena alila, Garbine Muguza mesüra Germany tsür, Julia Georges den asayatsü.

Estonia tsür, Anett Kontaveit shibai World No. 1,

Angelique Kerber Bodhbarnü tsükdaksü, lai iba asaya yimya mesamadaktsüi Croatia tsür, Mirjana Lucic-Baroni madak 6-1, 6-1 agi takok nguogo.

Tasembuba round nung jenjang trok buba nung alila, Simona Halep-i Russia tsür, Anastasia Pavlyuchenkova madak 6-1, 4-6, 6-0 agi takok ngua quarterfinal-i iogo. Lai Kontaveit den quarterfinal asayatsü.

Daria Gavrilova-i Russia tsür, Svetlana Kuznetsova madak 2-6, 7-5, 6-4 agi koka la-a Italian Open quarterfinal-i iogo.

MAY 19, 2017 ASAYA
-----QUALIFIER 2-----

vivo IPL 2017 **MUMBAI INDIANS** **VS** **Knight Riders**

8:00 PM

41 buba Inter District & State Open Badminton Championship July nung akatsü

Dimapur, May 18 (TYO): Nagaland Police-i achaayanga Chumukedima nung 2017 July 11 nungi 14 tashi 41buba Inter District & State Open Badminton Championship 2017 akatsüba osang NBA ajanga Nagaland Police densema District Badminton Associations ajak nem metetdaksü.



Iba asayamong nung veteran tem densema telemsa ajak asayatsü. Phek District Badminton Association-i iba asayamong shilem ka ayongzüka akatsü aliba koda masüba timtem kar ajanga

Anungji Nagaland Police aser District Badminton Association temi pei district nung tekartiba nung asayamong ayongzüka pei district team yanglutsü asoshi ketdangsertemi metetdaksü.

Juventus-i Coppa Italia kokogo

Rome, May 18 (Agencies): Bodhbarnü Olympic Stadium nung Italian Cup final asaya nung Juventus-i goal 2-0 agi Lazio madak takok ngua Italian Cup final asembenbuba atonga kokogo. Iba asaya nung Dani Alves aser Leonardo Bonucci nati goal kaka agütsü.

Real Madrid den Cardiff nung June 3 nü Champions League final masaya tsüngda Turin-i aniba telok ya Serie A championship 6 ben buba atonga tabener dang lir, ibaji dang masü parnoki domestic cup 12 ben tashi koka otsü tasen ka yangluogo.

"Asaya mezüngbuba shilem nung kanga junga asayaba aser tanabuba shilem defence kanga akanga nokdaktetba atema asayartem tenüng asanger," ta coach Massimiliano Allegri-i osangbenertem dang ashi.

Juventus-i iba hopta Crotone den asaya akok nungbo parnoki Serie A akoktsü. Iba indang jembidang pai ashiba agi, "Onoki mezüngbuba title bo kokogo aser joko onoki Deobar aonung Crotone koka tanabuba title kokner. Iba asaya akoktsü kanga tasak asütsü anungji onoki kanga junga asayatsü nungdaker."

Tanurbo tanur dang !
Yimtung nung ayokba
chiyongtsütem achitsübasä !
Tetsü shia teinyaktsü timji.
Tanur temang anepalua
anema lidaktsütsübaji lir

LIVSAV FOR KIDS

NEW PACK

Cambridge Appetite Enhancer

Manufactured by Medanta Research Health Products Pvt. Ltd. (Maharashtra),
CUSTOMER CARE: 020-44501133

BILEMDANGANG
"Nai tesangwa agüjang aser tangari lenmang angutsü"